



# Ishonch

Gazeta 1991-yil 21-martdan chiqa boshlagan

2010-yil 4-mart № 28 (2753) payshanba

## Ўғлонлар хизматга отланди



Паркентлик Икром ота Ходиев набираси Азизбек Исоновни ҳарбий хизматга кузатмоқда.

Икром ҲАСАНОВ олган сурат

● Билиб қўйки, сени ватан кутади

### Муқаддас бурч

Сирдарё вилояти мудофаа ишлари бошқармасида бир гуруҳ навбатдаги чақирилувчиларни ҳарбий хизматга кузатиш маросими бўлиб ўтди. Тантанали тадбирда ҳарбий хизматчилар, ота-оналар ва жамоатчилик вакиллари қатнашдилар.

Мамлакатимизда мудофаа қудратини мустаҳкамлаш, республика Қуролли Кучларини ислоҳ қилиш, ихчам ва пухта тайёрланган профессионал армияни шакллантириш соҳасида кенг қўламли ишлар амалга оширилмоқда.

Вилоят мудофаа ишлари бошқармаси, «Ма-

ҳалла» ва «Нуроний» жамғармалари вилоят бўлиmlлари, «Камолот» ёшлар ижтимоий ҳаракати вакиллари кузатиш маросимида сўзга чиқиб, Ватан ҳимояси ҳар бир йигитнинг муқаддас бурчи эканлигини алоҳида уқдирдилар.

— Болалигимдан ҳарбий хизматга боришни орзу қилардим. — деди гулистонлик Шерзод Сулаймонов. — Барча синовлардан муваффақиятли ўтдим ва бугун мустақиллигимизни ҳимоя қилишга отландим. Юртимиз ҳарбий қисмларидан ташриф буюрган ҳарбий хизматчилар билан учрашув ва суҳбатлар бизга аскар ҳамиша

сергак ва ҳушёр бўлиши, масъулиятни сезиши, жисмоний ва маънавий жиҳатдан етук бўлиши кераклиги ҳақида илк тушунчаларни берди.

— Бугунги кунда фарзандларимиз мустақил ватанимизнинг Қуролли Кучлари сафига қўшилиётганидан ҳақли равишда фахрланамиз, — деди Сирдарё туманидан келган Дилором Қурбонкулова. — Ватанимиз сарҳадларини дахлсизлигини таъминлашда ўғлим ҳам иштирок этишидан бағоят бахтиёрман.

Пиримқул ДҮСТМАМатов,  
«Ishonch» мухбири

Ўзбекистон Республикаси  
Президентининг  
ФАРМОНИ

**А.Р.Мараҳимовни Ўзбекистон  
Республикаси халқ таълими  
вазирини лавозимига тасдиқлаш  
тўғрисида**

Авазжон Раҳимович Мараҳимов Ўзбекистон Республикаси халқ таълими вазири лавозимига тасдиқлансин.

Ўзбекистон  
Республикаси Президенти **И.КАРИМОВ**

Тошкент шаҳри,  
2010 йил 2 март

## Тадбир

Таълим ва фан ходимлари касаба уюшмаси Урганч туман бирлашган кўмитаси томонидан «Инсонга наф келтириш – олий бахт» шиори остида ўтказилган амалий семинар бошлангич ташкилот етакчиларига услубий ёрдам беришга бағишланди.

## Услубий кўмак

Семинарда бошлангич касаба уюшма ташкилотларида ҳисобот-сайлов йиғилишларининг бориши, юри-тиладиган ҳужжатлар номенклатурасига доир, жамоа шартномасининг 2009 йил якунлари ҳамда унга қўшимча ва ўзгартишлар киритиш тўғрисидаги масалалар муҳокама қилиниб, семинар иштирокчилари шулар ҳақида ўзаро фикр алмашдилар.

Вилоят касаба уюшма ташкилотлари бирлашмаси ташкилий ишлар бўлими мудири Озод Атажанов, таълим ва фан ходимлари касаба уюш-

маси вилоят кенгаши ташкилий ишлар бўлими мудири Қахрамон Ма-шарипов иштирокчиларни қизиқтирган саволларга жавоб қайтардилар.

Семинарда маънавий таҳдидларнинг олдини олиш, таълим ходимларининг билим ва тушунчаларини янада бойитиш мақсадида «Юксак маънавият – энгилмас куч» филми намойиш қилинди.

**М. МАРИМОВ,**  
таълим ва фан ходимлари  
касаба уюшмаси Урганч туман  
бирлашган кўмитаси раиси

## Бандлик

## Ишлайман деган кўчада қолмайди

Пахтаобод туманида 151 мингдан зиёд аҳоли истиқомат қилади. Туман Бандликка кўмаклашувчи маркази томонидан ўтказилган мониторинг натижаларига кўра, ишлаш истагини билдирган аҳоли сони 2871 нафар бўлиб, уларнинг 1395 нафари аёллардир.

— Ўтган йил давомида ўтказилган «Бўш иш ўринлари» ярмаркаси аҳолини иш билан таъминлашда жуда қўл келди, — дейди марказ бош мутахас-

сиси У.Солиев. — Унда 195 та корхона ва фермер хўжаликлари 857 та бўш иш ўринлари билан қатнашди. 771 та ўрин тез орада эгаларини топиб, ишлаш хоҳишини билдирганлар билан меҳнат шартномалари тузилди. Шахсий ёрдамчи хўжалик, хонадонидан чорва боқиш билан шуғулланадиган 785 нафар фуқарога меҳнат дафтари очилиши.

Бу йил марказга 134 нафар ёш иш сўраб мурожаат қилди. «Бахтиёрхоним

элит» хусусий корхонасида тикувчилик йўналиши бўйича 15 нафар қиз шогирдликка олинди.

Яна 15 қиз «Ҳаётилла муқаддас» хусусий корхонасида биолобарант мутахассислиги бўйича фаолиятини бошлаб юборди. Дикқатга сазовор жойи шундаки, ўтган йили ҳарбий хизматни ўтаб қайтган 156 нафар фуқаро ишга жойлаштирилди.

**Абдулхай ЮНУСОВ,**  
«Ishonch» мухбири

## Ҳисобот-сайлов йиғилиши

**Бухоро политехника коллежи бошлангич касаба уюшма ташкилотининг 1116 нафар аъзоси бор. Уларнинг 1000 нафари ўқувчилардир. Коллеж касаба уюшма кўмитаси замон талаблари асосида фаолият кўрсатиши учун барча шароитга эга.**

— Ўтган даврда аъзоларимизнинг ижтимоий-иқтисодий, қонуний, маънавий ҳуқуқларини ҳимоя қилиш, меҳнат муҳофазаси, уларни соғломлаштириш учун кенг кўламли ишларни амалга оширдик, — деди ҳисобот-сайлов йиғилишида бошлангич касаба уюшма кўмитаси раиси Лола Жалилова. — Натижа чакки бўлмади. Жумладан, «Меҳнат муҳофазасида жамоатчилик назоратини энг яхши ташкил қилиш» танловининг вилоят босқичида ва

«Энг намунали бошлангич касаба уюшма ташкилоти» танловининг республика босқичида биринчи ўринларни эгаллаб, компьютер ва 1-даражали диплом билан тақдирландик...

Айтиш жоизки, 2004 йилдан ҳозирга қадар ходимларнинг малакасини ошириш, моддий ва маънавий ҳуқуқларини ҳимоя қилиш, уларга

қулай меҳнат шароити яратиш, ёшларнинг чуқур билим олиши учун алоҳида ғамхўрлик кўрсатиб келинаётгани кишини қувонтиради.

тилга олиниб, Баркамол авлод йилида уларни барта-раф этиш чоралари белгиланди.

Йиғилишда коллеж бош-

## Фаоллик самараси

Коллежда замонавий ўқув-техника воситалари, лабораториялар, кутубхона, спорт майдончаси ва заллари, турли тўғарақлар мунтазам ишлаб турибди. 100 ўринли талабалар турар-жойида яшаш ва дам олиш учун барча шароит яратиб берилган.

Бу каби ибратли жиҳатлар алоҳида эътироф этилгани ҳолда айрим камчилик ҳам

лангич касаба уюшма кўмитасининг ўтган даврдаги фаолияти қониқарли баҳоланди. Кўмитанинг янги таркиби, вилоят ўрта махсус касб-хуна таълими бирлашган касаба уюшмаси кўмитаси конференциясига делегат сайланди.

**Иззатулла ХОЖИЕВ,**  
«Ishonch» мухбири

## Ўтти хазинанинг бири

## Кредит ажратилди


Гулистон шаҳридаги «Дил Сирож Нур» хусусий корхонаси раҳбари Содиқ Қурбонов «Микрокредитбанк»нинг шаҳар филиалидан олган 12 миллион сўм кредити эвазига янги паррандачилик фабрикасини ишга туширди ва 10 та янги иш ўрни барпо этди. Айни пайтда ҳар ойда истеъмолчиларга 20-22 минг дона тухум етказиб берилмоқда.

Ховос туманидаги «Ғани Хуршид» фермер хўжалиги раҳбари Анвар Мадалиев ҳам ўз жамғармаси ҳисобидан паррандачилик фермаси ташкил этди. У Самарқанд вилоятидаги «Оҳалик Леман» парранда корхонасидан 500 та наслдор товуқ сотиб олиб, фермани замонавий технология билан жиҳозлади, ветеринария хизмати муассасалари билан шартнома тузди ва паррандаларни беталофат сақлаш чора-тадбирларини кўрди. Натижа ёмон бўлмади. Ҳар куни 300-350 дона тухум истеъмолчиларга етказиб берилаяпти.

Ишбилармон эндиликда иш кўламини янада кенгайтиришни кўзлаб турибди. 10 нафар қишлоқ ёшлари доимий иш билан банд этилди.

Хуллас, вилоятда қишлоқ тадбиркорлари ҳар томонлама қўллаб-қувватланаётгани боис бозорлар тўкинлашиб, маҳсулотлар арзонлашиб бормоқда. Паррандачиликка қўл урган мулкдорларга банклар томонидан 968 миллион сўм миқдорда кредит ажратилди.

**Анорбой НОРҚУЛОВ,** «Ishonch»нинг жамоатчи мухбири



## Имконият

«Баркамол авлод»  
мажмуаси

Фарғона вилоятининг Охунбобоев туманида «Баркамол авлод» мажмуаси иш бошлади. Туман прокуратураси ташаббуси билан транспорт ва йўл қурилиши коллежи ҳудудидаги фойдаланилмаётган бино таъмирланиб, ёшларнинг бўш вақтини мазмунли ўтказиш учун шароит яратилди. Бу ердаги турли фан кабинетларида олий ўқув юртига кириш ниятидаги ёшлар кўшимча сабоқ олишаяпти. Туман мудофаа ишлари бўлими ходимлари иштирокида ҳарбий бўлишга ошиқётган йигитларга бошлангич ҳарбий таълим асосларидан дарслар ташкил қилинмоқда.

Шахмат, шашка бўйича тўғарақлар ҳам ишляпти. Замонавий тренажёрлар билан таъминланган спорт зали ва стадионда тумандаги қобилиятли ёшлар учун малакали мураббийлар бошчилигида каратэ, кикбоксинг тўғарақлари ташкил қилиш режалаштирилган.

— Мана шундай мажмуалар вилоятимизнинг бошқа ҳудудларида ҳам барпо қилинса, Баркамол авлод йилида тенгдошларимизга катта совға бўлар эди, — дейди спортчи қиз Наргиза Муроджонова. — Айниқса мажмуа залида 16 ёшга тўлганларга фуқаролик паспорти тантанали равишда топширилаётганлиги қувонарлидир.

**Улғбек ИБОДИНОВ,**  
«Ishonch» мухбири

«Ishonch»га  
жавоб  
берадилар

**Ўртачирчиқ туман прокуратураси томонидан фуқаро У.Маткаримов ва бошқаларнинг ўзлари яшаётган ҳудудга табиий газ келиши тўғрисида қолганлиги ҳамда бунга тумангаз филиали мутасаддилари эътиборсиз муносабатда бўлаётганлиги тўғрисидаги мурожаати ўрганиб чиқилди.**

## Газ

ТАЪМИНОТИ  
ЯХШИЛАНДИ

«Ўртачирчиқтумангаз» филиалидан тақдим этилган маълумотларга кўра, тумандаги Ўртасарой қишлоқ фуқаролар йиғини ҳудуди, шу жумладан, Ўртасарой қишлоғи хонадонлари ёз мавсумида Ўртасарой ГРСдан, қиш ойларида Бектемир ГРС орқали газ билан таъминлаб келинган. ГРСдан сиқиш босими 5 кг/см<sup>2</sup>.ни ташкил этгани ҳолда Ўртасарой ҚФЙ ҳудудини газ билан таъминловчи Авангард қўргонидаги юқори босим ГТНга кириш босими 2,3 кг/см<sup>2</sup>.ни, чиқиш босими 1,5 кг/см<sup>2</sup>.ни ташкил этган. Натижада 2010 йилнинг январ ойида Ўртасарой қишлоқ фуқаролар йиғини Ўртасарой маҳалласининг ГРПдан охириги хонадонларида газ таъминоти меъёрида бўлмаган.

Мурожаатни ўрганиб чиқиш давомида «Ўртачирчиқтумангаз» филиали томонидан вилоят ташкилотлари ёрдамида Бектемир ГРСдан чиқиш босими 6 кг/см<sup>2</sup>.га кўтарилди ва натижада Ўртачирчиқ ҚФЙ ҳудуди, шу жумладан, Ўртасарой маҳалласи хонадонларида газ таъминоти меъёрида бўлиши таъминланди.

**Н.ЮНУСОВ,**  
Ўртачирчиқ туман  
прокурори вазифасини  
бажарувчи, адлия маслаҳатчиси



Касаба уюшмаси кўмитасининг ҳисобот-сайлов конференциясида комбинат бош директори Алик Нуриддинов жамоа шартномасининг маъмурият томонидан ижроси ҳақидаги маърузасида металчиларни юқори меҳнат унвондорлигига чорлаётган асосий омилларни атрофлича таҳлил қилиб берди. Унда таъкидланишича, 14 бўлимдан иборат ушбу жамоа шартномасининг маъмурият зиммасига олган барча талаблари бажарилган. Натижада, ҳисобот даврида маҳсулот ишлаб чиқариш сурати изчил равишда ўсиб борган. Ҳатто бутун дунё молиявий инқироздан азият чекаётган 2009 йилда ҳам бекободлик металлурглр 2008 йилга нисбатан 36 миллиард 462 миллион сўм кўп пўлат, прокат, турли ўлчамдаги золдирлар ва халқ истеъмоли моллари ишлаб чиқаришган. Жумладан, 152 млн. 329 минг АҚШ доллари миқдорида маҳсулот экспорт қилинган.

Ҳозирги кунга қадар 25 хил маҳаллийлаштирилган маҳсулот ишлаб чиқарилмоқда. Ишлаб чиқаришнинг барқарорлигини таъминлаш мақсадида 38 та техник тадбир ўтказилди. Муваффақиятли синовдан ўтган бир неча хил янги маҳсулотни ишлаб чиқариш ўзлаштирилди. Модернизациялаш, техник ва технологик жиҳатдан янгилашга қаратилган 6 та катта лойиҳа амалга оширилиб, 2015-2020 йиллар учун янги инновацион лойиҳалар аниқлаб олинди.

Иш шароитини яхшилаш, хом ашё ва материалларни тежашга йўналтирилган 230 та рационализаторлик таклифларини жорий этиш туфайли 100 млн. сўм фойда олинди. Харажатларни камайтириш эвазига юз миллиард сўмдан ошқ маблағ тежаб қолинди.

Жамоа шартномасининг «Бандликни таъминлаш» бўлимидаги шартлар доирасида 2009 йилда 150 та янги иш ўринлари барпо этилиб, мавжуд иш ўринларининг асосий қисқаришига йўл қўйилмади.

Комбинатда амалиёт ўташ шартини асосида коллеж ва олий ўқув юртлари билан яхши ҳамкорлик қилинмоқда.

Ҳозир 499 та коллеж талабаси шу ерда амалиёт ўтамоқда. Олий ўқув юрти-

# Оғир индустриямиз байроқдори



да таҳсил олаётган 147 та талабанинг контракт пули комбинат ҳисобидан тўлаб берилди. Талабаларнинг 72 таси шартнома асосида Москва пўлат ва қотишмалар институтида таҳсил олади. Комбинат инженер-техник ходимлари ва ишчиларининг малакасини ошириш мақсадида уларни ўқитиш ва қайта тайёрлаш ишлари яхши йўлга қўйилган. Мамлакатимизнинг етакчи олимлари тез-тез комбинатда бўлиб туришади.

Меҳнат хавфсизлиги, ишчиларнинг кўнгилли дам олишини таъминлаш жамоа шартномаси асосида йўлга қўйилган. Соғлиқни сақлаш соҳасидаги тадбирлар туфайли ҳар юз ишчига нисбатан касалланиш даражасини 2009 йилда 1,6 фоизга камайтиришга эришилди.

Иш ҳақининг ўсиш суръати 2009 йилда 112,4 фоизни ташкил этди.

Бекобод шаҳри ва Бекобод тумани доирасида уй-жой ва маиший объектлар қуришга йўналтирилган инвестицион дастур доирасида 2009 йилда ўттиз миллиард сўмликка яқин иш бажарилган. Болалар боғчаларини ва йўлларни таъмирлаш, ичимлик суви қувурлари ўтказиш соҳасида маълум тадбирлар амалга оширилган. Ёш металлурглр учун 64 оилага мўлжалланган 4 қаватли уй фойдаланишга топширилган. 2009 йилда қурилиши бошланган ёпиқ сув ҳавзаси, 15 минг кишилик стадион, гимнастика, бокс зали ва волейбол майдон-

часига эга бўлган «Ёшлик» спорт аренаси, Ойбек кўрғонидаги 435 ўринли коллеж қурилиши ҳамда Х.Фаниев номли болалар боғини реконструкция қилиш 2010 йилда юнлангани. Бу тадбирларнинг барчасида «Қишлоқ тараққиёти ва фаровонлиги йили»нинг мақсадлари ва «Баркамол авлод йили»нинг вазифалари мужасамлашган.

Ушбу юмушларни амалга ошириш замирида инсон омили ётади. Ва комбинат касаба уюшма кўмитасининг бутун фаолияти уни рўёбга чиқаришга йўналтирилган.

Буни касабақўм раиси Илҳом Қурбоновга ёзма равишда тушган «Касаба уюшмаси фақат санаторийларга йўлланма тарқатиш билан шуғулланганими» деган саволга бутун зал — мажлис қатнашчилари энгил кулги билан жавоб берганидан ҳам сезиш мумкин.

Тўғри, касабақўм йўлланмалар тарқатиш билан ҳам шуғулланади. Бироқ ҳисобот даврида комбинат ишчилари ва оила аъзоларидан 6 минг 409 кишини санаторий-профилакторийларда, 19 минг 129 кишини «Металлург» пансионатида соғломлаштиришнинг ўзи бўлмайди. Бу мақсадларга 669 млн. сўмдан ошқ (ундан 68 млн. 422 минг сўми касаба уюшма маблағидан) маблағ сарфланган. «Орзу», «Металлург» ва «Ёшлик» соғломлаштириш масканларида металлурглрнинг 10 минг 584 нафар фарзанди соғлом-

**Бекобод «Ўзметкомбинат» акциядорлик ишлаб чиқариш бирлашмаси ижтимоий-иқтисодий ва маънавий-интеллектуал салоҳияти билан бугун ҳақли равишда мамлакатимиз оғир индустриясининг етакчи корхоналари сафидан жой олган.**

**Комбинат ҳудудига киришингиз билан ўзингизни шаҳар ичидаги яшил шаҳарчада юргандек ҳис этасиз. Касаба уюшма фаолларидан бири комбинатимиз ободу орасталиқда Тошкентдан қолишмайди, деганида маҳобат қилмаган экан. Минг-икки минг даражали чўян эритиш, пўлат куйиш цехларида ишлашга кириб кетаётган ёки ишдан чиқаётган кишиларда яхши психологик кайфият яратиш учун цехлар атрофида, йўлу йўлакларда ям-яшил боғчалар, анвойи гулзорлар барпо этилган. Бекободдек шамолида тош учиб юрадиган жойда кўкаламзорлаштириш ишларининг намунали йўлга қўйилиши ишчилар билан маъмурият ўртасида мустаҳкам ҳамкорлик муҳитини яратибгина қолмай, жамоани катта мақсадларга руҳлантириб ҳам туради...**

лаштирилган. Ҳисобот даврида дунё андозалари асосида қурилган ва асосан иқтидорли болалар дам оладиган «Ёшлик» сиаҳтоҳида фарзандларини дам олдиришни орзу қиладиган ота-оналарнинг сони йилдан-йилга ошиб бормоқда. Бу дам олиш масканларини мавсумга тайёрлаш ва ушлаб туриш учун катта куч ва маблағ керак, албатта. Ҳисобот даврида комбинат ишчиларига 157 та квартира ажратган; Касабақўм 148 млн. сўмдан ошқ моддий ёрдам кўрсатган. Маданий-оммавий, спорт-соғломлаштириш тадбирлари ва мусобақалар учун 1 млрд. 241 млн. сўмга яқин маблағ сарфланган. Бундай эътиборнинг самараси ўлароқ, бекободлик спортчилар мамлакат, китъа ва дунё чемпионатларида муваффақиятли қатнашмоқдалар. Жиззах шаҳрида ўтган бокс бўйича Ўзбекистон чемпионатида металлурглр вакили Камолиддин Аҳмедов ва Фазлиддин Ғойипназаров мамлакат чемпиони унвонини қўлга киритиб, бу йил Хитойда ўтадиган Осиё ўйинларига қизгин тайёргарлик кўришмоқда. Тазквандо бўйича Хорватияда ўтган дунё чемпионатида Аҳдам Азимов кумуш медал соҳиби бўлди. Ёшлар ўртасида Туркияда бўлиб ўтган дунё чемпионатида Нодир Сафаров бронза медалини қўлга киритган бўлса, самбо бўйича Осиё чемпионати ғолиби Баҳром Ўразбоев Халқаро мусобақада ҳам шохсупанинг биринчи поғонасини эгаллади.

Спорт усталарининг кўпайиб бораётганлиги унинг оммавийлигини ва оилавийлигини таъминлаётган бўлса, бадий ҳаваскорлик даражасидан ўсиб чиқиб, халқаро фестивалларда муваффақиятли қатнашаётган «Стар-

тин», «Парвоз», «Шодийёна» ансамбллари металлурглрнинг барча байрам ва дам олиш тадбирларини чароғон этишмоқда.

Металлурглрнинг касб маҳоратини оширишга йўналтирилган турли кўрик-конкурсдан тортиб меҳнат ветеранлари ва ишчиларнинг маъракаларига касаба уюшмаси фаолларининг бош-қош бўлаётгани, бир сўз билан айтганда, комбинат ҳаёти касабақўм қошидаги тўққизта комиссиянинг фаолияти билан тўла қамраб олингани ташкилотнинг обрўсини оширмоқда ҳамда унинг оммавийлигини таъминламоқда. Буни ҳисобот даврида аъзолар сонининг 8536 кишидан 9436 кишига кўпайганидан ҳам сезиш мумкин.

Маърузалар юзасидан сўзга чиққан делегатлар «Ўзметкомбинат» акциядорлик ишлаб чиқариш бирлашмаси касаба уюшмасининг 2004-2009 йиллардаги фаолиятини «қониқарли» деб баҳолашди. Йиғилиш қатнашчилари буни бир овоздан маъқуллашди. Илҳом Қурбонов навбатдаги муддатга комбинат касаба уюшма кўмитаси раислигига қайта сайланди.

Тадбир якунида комбинат бош директори А.Нуриддинов ва Бекобод шаҳар ҳокими М.Бухорбоев бекободликларнинг ижтимоий-маиший ҳаётига оид саволларга атрофлича жавоб беришди.

Конференцияда Ўзбекистон металлургия ва машинасозлик санати ходимлари касаба уюшмаси Марказий кенгаши раиси Ш.Одилов ва Тошкент вилоят касаба уюшмаси ташкилотлари бирлашмаси кенгаши раиси М.Тўлаганова иштирок этишди.

**Ўз мухбиримиз. Ш. ҲАЗРАТҚУЛОВ олган суратлар**

Қабулхона одатдагидан гавжум. Арз ёки бирон юмуш билан келганларни рўйхатга олаётган масъул ходим Шерзод Қобилжоновнинг кўли кўлига тегмайди. Кенгаш раисининг ўринбосари Аъзам Ихтиёров ҳар бир кишини диққат билан тинглайди.

Фуқаро Аҳмад Худойназаров Фаллаоролдан келибди. У бундан ўн йил аввал «Дўстлик» пахта тозалаш корхонасида ишлаётган кезлари бахтсиз ҳодиса туфайли ногирон бўлиб қолган. Беш ой-дирки, корхона унга товон пулини асоссиз равишда бермаётган экан.

Тўғридан-тўғри корхона раҳбарияти билан боғланган раис ўринбосари масала ижобий ҳал этилганини, феврал охиригача товон пули кўлига тегишини маълум қилади. Аризачи кўнгли тўлиб, миннатдорчилик билдириб хонадан чиқади.

Дўстлик, Зарбдор туманларидан келган 12 нафар фермер эса ҳар йилгидек бу йил ҳам дам олишни уюшган ҳолда ташкиллаштириб берилишини илтимос қилишди. Масала ҳал этилиб, феврал ойидаёқ улар Абу Али ибн Сино сиҳатгоҳида дам оладиган бўлишди.

Жиззах туманидаги Алишер Навоий номли хўжаликда яшовчи Насиба Мухторова тиббиёт ҳамшираси бўлган келини ва қизини ишга жойлаштира олмаётгани маълум бўлгач, шу заҳотиёқ ушбу масалани ҳал қилишга киришди. Туман Марказий шифохона маъмурияти билан муфассал суҳбатдан сўнг, ҳар иккиси поликлиникада ишлайдиган бўлишди.

Фермер Муҳаммад Ибрагимов мурожаат қилиб, 32 йиллик иш стаж билан муддатидан аввал пенсияга чиқиш тартиби ҳақида сўрайди. Унга бундай имтиёз татбиқ этилмаслиги ётиги билан тушунтирилди.

Кўйтошлик Ислон Абдуҳакимов ўз мурожаатида қонда ишлаб, 1987 йил бахтсиз

ҳодиса туфайли II гуруҳ ногирони бўлиб қолгани, товон пулини охириги марта 1997 йилда олгани, корхона ёпилгач, тўловлар тўхтаб қолганлигини билдиради. Ушбу чигалликка ҳам йўл топилди. Фаллаорол туман бандликка кўмаклашиш ва аҳолини ижтимоий ҳимоя қилиш бўлимидагилар масала ижобий ҳал этилишини хабар қилди.

Жиззах туманидан келган Робия ва Норбой Яхшибоевлар «Қудрат Давронов» фермер хўжалигида 2007 йилдан буён ишлаётган бўлса-да, ҳалигача иш берувчи, хўжалик раҳбари Зиёда Ҳакимова

бўлди. Масалани тегишли тартибда атрофлича ўрганиб чиқиб, мутасаддилар ҳамкорлигида қонуний ҳал этамиз.

Вилоятимизда кейинги йилларда фермер хўжаликларида ишлаётган ходимлар билан меҳнат шартномалари тузиш, уларга меҳнат дафтарчалари очиш масаласида катта ишлар қилиниб, тегишли туман ҳокимликлари, меҳнат ва аҳолини ижтимоий муҳофаза қилиш бош бошқармаси билан ҳамкорликда амалий семинарлар ўтказилди. Лекин ҳозиргача шунга ўхшаган ҳолатлар учраб турибди.

урожаат қилди. Мурожаатларнинг аксарияти меҳнат қонунчилиги, ишлаб чиқаришдаги бахтсиз ҳодисалар, бандлик, иш ҳақи масалаларидадир. Уларнинг барчаси эътибор билан тингланиб, муаммолар ечимини топди.

Шу ўринда таъкидлаш жоизки, биргина эътибор ҳам ўринли шикоятнинг олдини олиши мумкин. Масалан, ходимларга «Ҳисоб-китоб варақиси»ни ташкил этган Фаллаорол туман халқ таълими ҳамда Янгиобод туман тиббиёт бўлимида ходимларнинг иш ҳақларидан асоссиз ушлаб қолишлар юзасидан

либ, унда 2 мингга яқин мурожаат тушди ва барчаси ўз ечимини топди.

Бугунга келиб вилоятда 7273 та юридик шахс мақомига эга йирик меҳнат жамоаларида 172074 нафар ходим жамоа шартномаларида белгиланган ҳақ-ҳуқуқ ва тегишли имтиёزلардан фойдаланиб келаётир.

Нодавлат секторида фаолият кўрсатаётган ходимларнинг жамоа шартномалари билан қамраб олиниш кўрсаткичи 97,8 фоизни ташкил этмоқда.

— Жойларда қонунларни тарғиб қилиш борасида «Хуқуқий тарғибот гуруҳи» ишлаб турибди, — дейди раис ўринбосари. — Ҳозиргача Жиззах, Янгиобод туманларида амалий семинар-машғулоти ўтказдик.

Феврал ойидан бошлаб, бу соҳадаги фаолиятимизга яна бир қўшимча киритдик. Бошқача бўлиши ҳам мумкин эмас. Республикаимиз Президенти Ислон Каримовнинг 2009 йилнинг асосий яқунлари ва 2010 йилда Ўзбекистонни ижтимоий-иқтисодий ривожлантиришнинг энг муҳим устувор йўналишларига бағишланган Вазирлар Маҳкамасининг мажлисидаги маърузаси кундалик ҳаётга, қилаётган ишларимизга мутлақо бошқача кўз билан қарашга ундамоқда.


Президентимиз айтганларидек, «Инқирозга қарши қабул қилган дастуриимизни амалга ошириш натижасида юртимиз дунёдаги санокли давлатлар қаторида иқтисодий ва ижтимоий ривожланишнинг барқарор суръатларини таъминлаш, аҳолиимизнинг моддий фаровонлигини юксалтиришга эришгани барчамизга катта мамнуният ва ифтихор бағишлайди».

Касаба уюшмалари — энг оммавий ташкилот. Меҳнат жамоасидаги вакилларимиз орқали бу сўзларнинг моҳиятини аъзоларимизнинг ҳар бирига етказиш бизнинг бугунги кундаги асосий вазифамиздир.

**Абдуманноп АЗИМОВ,**  
«Ishonch» мухбири

# Қабул кунни

Жиззах вилоят касаба уюшма ташкилотлари бирлашмаси кенгашидан репортаж



меҳнат шартномаси тузишни пайсалга солаётгани, озгаки келишувга кўра ваъдалашилган 1,5 тонна буғдойни ҳам бермаётганини баён этади.

— Бу вилоятимиз қишлоқ хўжалигида оғриқли масала, — дейди кенгаш раисининг ўринбосари А.Ихтиёров. — Ҳозиргача бизга айнан шу масалада 18 та мурожаат

Шунингдек, қабулга келган «Учтепа» пахта тозалаш корхонаси ишчиси Рўзимурод Соатов, Жиззах туманидаги 13-мактаб жамоаси вакилларининг муаммолари ҳам ҳал бўлиб, кўнгиллари тўлиб қайтишди.

Кенгаш раисининг ўринбосари қабулхонасига ўтган йили 1587 нафар фуқаро му-

урожаатлар умуман қайд этилмаганлиги ҳам эътирозларга сабаб бўлганлигини мисол тариқасида келтириш мумкин.

Кези келганда эътироф этиш лозимки, кенгаш кўчма қабул кунларини мунтазам ташкил этаётгани яхши самара бераётир. Ўтган йили 37 та кўчма қабул ташкил эти-

## Ижтимоий шерикчилик

Ҳар фаслнинг ўз фазилат ва зийнати бўлгани каби давримизнинг ҳам барчамизга манзур жиҳатлари тобора яққолроқ намоён бўлмоқда. Сурхондарё вилоятидаги меҳнат жамоаларининг шу кунлардаги қайноқ ҳаёти билан танишганимизда, касаба уюшмаларининг бу жамоалардаги ўрнини, нуфузини кузатганимизда бунга яна бир бор ишонч ҳосил қиламиз.

# Янги имкониятлар очилмоқда

— Ҳукумат бошқарув идоралари, корхона, муассаса ҳамда ташкилотлардаги касаба уюшма ташкилотларининг иш берувчилар билан ижтимоий шерикчилиги жамият аъзоларининг ижтимоий-иқтисодий манфаатларини муҳофазада ўзига хос кафолатга айланган, — дейди вилоят касаба уюшма ташкилотлари бирлашмаси кенгаши раиси Абдукарим Аҳмедов. — Яқинда Жарқўрғон туманидаги «Сурхонтекстил» ҳиссадорлик жамиятида бўлганимизда, касаба уюшма кўмитаси маъмурият билан елкама-елка туриб қизгин иш олиб бораётганлигини кўриб, танлаган йўлимиз тўғри эканлигига яна бир бор амин бўлдим. Жамоада сўнгги бир йил давомида 100 нафардан зиёд ишчи-хизматчилар республикаимизнинг «Турон», «Бо-

танника», «Чинобод», «Ситораи Мохи Хоса» ҳамда вилоятимиздаги «Жайронхона», «Сурхон» каби сиҳатгоҳларда ҳиссадорлик жамияти ҳисобидан бепул дам олдирилди.

Дарвоқе, ходимларга ҳар кун бепул иссиқ овқат бериш йўлга қўйилиб, ишга қатнашлари учун махсус автобус ажратилган. Қулай иш шароити яратилган. Иш жойларида замонавий дид билан безатилган дам олиш, гигиеник хоналар мунтазам ишлаб турибди. Яна қувонарли ҳоллардан бири, жамият маъмурияти яқка тартибда уй-жой қураётган ишчи-хизматчиларга моддий ёрдам ҳамда фоизсиз қарз беришни ҳам режалаштирган.

— Қулай ишлаб чиқариш шароити меҳнат унуми ва самарасини

оширмоқда, — дейди ҳиссадорлик жамияти касаба уюшма кўмитаси раиси Жуманазар Қодиров. — Спорт залимиз, ўйингоҳимиз, теннис кортимиз, тиббий пунктимиз ишчилар ихтиёрида. Сартарошхона, пойабзал таъмирлаш устахоналари фаолиятини ҳам йўлга қўйганмиз.


Ишчи-хизматчилари бундай имтиёزلардан фойдаланаётган жамоалар сафи вилоятда тобора ошиб бормоқда. «Олтин чигит» Ўзбек — Юнон қўшма корхонаси, Деновдаги «Лочин» фермер хўжалиги, Музробод туман халқ таълими бўлими, Бойсун туманидаги «Ғайрат» чорвачилик ширкат хўжаликлари шулар жумласидандир.



Ш.Рашидов номли «Шўрчи дон қабул қилиш» ҳиссадорлик жамиятида ишловчи аёлларга тўлиқ иш ҳақи тўлангани ҳолда иш кунни бир соатга қисқартирилган. «Дори-дармон» ҳиссадорлик жамиятининг туманлардаги бўлимида сурункали дардга чалинганларга бепул дори-дармон берилиши йўлга қўйилган.

Қарс икки қўлдан деганларидек, жойларда ижтимоий шерикчилик янги-янги имкониятларни очмоқда. Бундан биринчи навбатда меҳнаткаш манфаат кўрмоқда.

**Рустам ДАВЛАТОВ,**  
«Ishonch» мухбири



# Ишони

Онажон! Бугун сизга яна хат ёзаяпман. Биладан, у сизга етиб бормади. Ахир йиртиб ташлайман. Жўнатишга журъатим етмайди, чунки азият чекишингизни истамайман. Ёзмасам ҳам бўлмайди. Сизга юрагимни очмасам, бу азобларни кўтара олмайман. Ҳар куни суратингизни кўлимга олиб, унга қувонч ва ташвишларимни тўкиб соламан, куламан, йиғлайман. Гоҳ сиздан хафа бўламан, аразлайман, шунда ҳам хуморим босилмас, ҳозиргидай хат ёзишга ўтираман.

Онажон, эсингиздами, бир вақтлар жуда бахтли яшардик. Отам, сиз, акам, опам, мен ахил оила эдик. Бизга кўпларнинг ҳаваси келарди. Ўша кунларни эсласам, оиламизга бахтсизлик қачон ёпирилиб кирди экан, нега гафлатда қолдик, деб ўйлаб қоламан. Отам ёш аёлга илакишиб, уйдан бош олиб кетмаганида бу оғир кунлар бошимизга тушмасмиди?

Меҳрибон ва дилбар аёл бирдангина баджаҳл, серзарда бўлиб қолдингиз. Бизни аввалгидек эркалатмай, салгина айбимизга ҳам уришиб, ҳатто урардингиз.

Бунга чидай олмаган катта акам мактабни тугатиши билан пойтахтга кетиб қолди. Бу орада дугонангиз Роҳатой опа уйимизга серқатнов

туринглар», — дея акамнинг кўлига бир даста пул тутқаздингиз. Сўнг бизга яхши қарашни тайинладдингиз. Гарчи етти яшар қизалоқ бўлсам-да, анча улғайиб қолганимни ҳис қилдим.

Назаримда, акам билан опам йўқлигингизга тез кўникишди. Кўп ўтмай акам мактабни битирди. У ҳам

бўлиб қолганди.

— Бу етимларни боқшининг ўзи бўладими? — шикоят қилардингиз ҳар гал унга. У билан алланималарни пичирлашардингиз. Бир куни тўсатдан ҳовлимизни сотишингизни эълон қилдингиз. «Лаш-лушларингни йиғиштиринглар, «дом»га кўчиб ўтамиз», — деддингиз. Эртаси куни икки хонали уйга кўчиб ўтдик. Индинига ҳаммамизни йиғдингиз-да, «Энди катта бўлиб қолдиларинг, ҳамма гап-сўзга тушунасизлар. Мен сизларни уй-жойли қилишга мажбурман. Шунинг учун Роҳатой билан чет элга кетмоқчиман. Ўзларингиз ақлли бўлиб, уйга қараб ўтиринглар, бир йилда қайтаман», — деддингиз.

Ичимда нимадир узилгандай бўлди. Кетишингизни асло истамас эдим. Сизни маҳкам қучоқлаб йиғлаб юбордим. Бағрингизга бир зум босиб турдингиз-да, секин итардингиз.

«Ахир мен ўйнагани кетаётганим йўқ, сизларга яхши бўлсин деяпман. Тез-тез пул юбориб тураман, керакли нарсаларни олаверасизлар. Унгача мана буни ишлатиб

«чет элга кетаяпман» деди-да гоиб бўлди.

Сиз дастлаб ҳар ҳафтада, кейинчалик ҳар ойда телефон қилиб турдингиз. Бир-икки марта пул ҳам юбордингиз. Аммо бир йилдан сўнг дараксиз кетдингиз.

Қариндошларимиздан бири кўлга тушганингни, уйимизни сотиб олиб кетган пулларингиздан айрилганингни айтди. Опам иккаламиз тирикчилик юки елкамизга тушганини ҳис қилдик. Аммо буни қандай эплашни билмасдик.

Опам 9-синфда ўқирди. Дарсдан сўнг новвойхонада ишлаш бошлади. Ҳар куни 30-40 кило хамир қорар, уйга бир аҳволда кириб келарди. Бу пайтда мен овқат қилишни ўрганиб олгандим. Уй ишларининг ҳаммаси менинг зиммамда эди. Опам кўп ишламади. Тўйиб овқатланмагани учун хамир қоришга кучи етмай қолди.

Бу орада бир йигит билан танишди. У бизникида қолиб ҳам кетарди. Ўшанда бир бурчакка тиқилиб олиб, кечаси билан йиғлаб чиқардим. Сизнинг тезроқ келишингизни тобора кўпроқ истардим.

Бир йилдан кейин опам ўша йигитга теги. Бир ой ўтмай фарзандли ҳам бўлишди. Ёлғиз ўғил экан, ота-онаси бизникида яшашига рози бўлмади. Ҳамон сиздан дарак йўқлиги боис опамга эргашиб уларникига бордим.

Улар мени хушламай кутиб олишди. Уйдаги, ҳовлидаги ҳамма оғир юмушларни опам иккаламиз бажарардик. Қайнонаси ҳар куни мени «текинтомок, дардисар» деб ҳақорат қиларди. Опам мени ҳимоя қилолмасди. Унинг ўзи ҳам яхши гап эшитиш у ёқда турсин, таънадан боши чиқмасди. «Ёлғиз ўғиллигини билиб, сеҳржоду билан боламнинг бошини айлантриб олгансан, ота-онанинг тайини йўқ» деган тинимсиз ҳақоратлар ҳаммасидан ошиб тушарди. Ноилолжикдан барчасига чидардик.

Бир куни кўшнисининг қимматбаҳо узуги йўқолди-ю, бошим балога қолди. Кўшни хотин ҳам, опамнинг қайнонаси ҳам мени айблашди. Ахир бирон марта уларнинг эшигидан бош суқмаган бўлсам, қандай қилиб ўғирлик қилишни мумкин. Бунга улар ё ишонимдади ё...

— Майли, милицияга шикоят қилмаймиз, бироқ бу ерда қорангни кўрсатма, — дағдага қилди опамнинг қайнонаси.

Опамникига кўчиб ўтгач, уйимизни ижарага бергандик. Уйга қайтишга мажбур бўлдим. Ижара пулларини «ўғирланган» узук учун тўладик. Бу орада уйимизнинг тўловлари кўпайиб, сувни, газ ҳамда электр симини узиб кетишди. Шароит йўқлигидан ижарадагилар қичиб кетди. Зимистон уйда ёлғиз қолдим.

Гоҳида бир челақ сув сўраб, кўшнилариинг эшигини тақиллатсам, «ўғри»лигимни эшитгани учун менга ҳадиксираб қарашади.

Сиз ҳақингизда гап-сўзлар кўпайгандан кўпайди. Бировлар ичкиликка ружу кўйибди деса, бошқалар эрга тегиб кетибди дерди.

Амаллаб 9-синфни битир-

дим. Коллежга кириб ўқишга ҳам, мактабда ўқишни давом эттиришга ҳам қурбим етмади. Бирон идорага иш сўраб боради деса, ҳали ёшман. Ҳар куни тўртта сомса ва минг сўм пул эвазига бозордаги сомса цехига ишга кирдим...

Пулларни ишлатмай, йиғишга қарор қилдим. Сизни излаб топаман, деб ўйладим. Аммо бунинг уддасидан чиқолмадим. Уйнаб-кулгим, бошқалар каби кийингим, яхши еб-ичгим келарди. Со-мсахона хўжайини суянцигим йўқлигини билиб, шилқимлик қила бошлади. Унга қаршилик қиламан деб навбатдаги туҳматга қолдим. У «Пулларим йўқолди, гумоним шу қиздан» деб дағдага қилди.

Ўзимни ўлдиришга қарор қилдим, бироқ кучим етмади. Сизни кўрсатмасдан бу дунёни тарк этишни истамадим. Ички ишлар ходимларига ўша нокас мени зўрламоқчи бўлганини, кўнмаганим учун туҳмат қилаётганини айтдим. Ҳартугул улар ишонидими, ё со-мсахона эгаси даввосини қайтиб олдим, менга жазо беришмади. Аксинча, коллежга ўқишга жойлашди. Менга стипендия ҳам тайинлашди.

Яқинда маҳалламизнинг янги раиси уйимизга келди. Дарслардан кейин гузарга чиқиб ишлашим ҳақидаги маслаҳатига рози бўлдим.

Ҳаётим изига тушаётгандек эди гўё.

Яқинда эшитганим бир хабар мени эсанкиратиб қўйди. Вафот этган эмишсиз. Қўрқиб кетдим. Бунга ишонини истамайман. Сиз ўзга юртларда ўлмаслигингиз керак, онажон!

Мен сизни ҳаммадан яхши кўраман. Мана кўрасиз, сиз келсангиз, ҳамма қийинчиликларимиз унут бўлади. Аввалгидай бахтли турмуш кечирамиз. Акамни топамиз, опамнинг қайнонаси уни ортик хўрламайдиган бўлади. Фақат сиз қайтинг, илтимос.

Кизингиз Гўзал.  
Мактубни оққа кўчирувчи  
М.УЛЛИБОБОВА

**И**ил — ўн икки ой совуқни совуқ, иссиқни иссиқ демай сахарда уйдан чиқиб кетадиган бу болакай анчадан буён диққатимни тортади. У ҳар тонг бозорда арава судрашга отланади. Тушда келиб апилтапил у-бу еган бўлади-ю, сумкасини қўлтиқлаб мактабга шошади. Чунки унинг нозик елкасида рўзгор ташвиши бор. Буни бола мурғак қалби билан ҳис қилади.

Оила — муқаддас қўрғон. Шу билан бирга, у ўз вақилларидан бошқалар учун қоронғу ўрмон ва сирли соҳил ҳисобланади. Қачон оила ичидан дарз кетса, кейин ундаги муҳит атрофдагиларга аён бўлади. Биллур гўшани бус-бутун асраш учун унинг мустаҳкам устуни саналмиш эркак ориятли, номусли, рўзгор юқини елкасида кўтаролдиган масъулиятли бўлиши зарур. Аёл эса эпчиллиги, саранжом-саришталиги, оқиллиги билан бу гўшада нур таралиб туришини таъминлайди. Шундагина бу гулшанда бўй чўзаётган ниҳоллар барваста бўлиб вояга етади. Фарзандларнинг моддий ва маънавий етук, соғлом бўлишининг мана шу омилларга асосланганлиги тундан сўнг тонг отишидек аниқ.

Бироқ ҳаёт турли синовлардан иборат. Унинг ўйдим-чўқур, паст-баланд йўллари борки, иродаси мўрт инсонларни синдириб қўяди. Хом сўт эмган бандалар билиб-билмай тўғри йўлдан адашиб қоладилар. Ҳар банданинг бошида Аллоҳнинг синови бор. Кимгадир бойлик бериб синаса, кимнидир қашшоқлик билан им-

тихон қилади. Бировлар касалликни, бировлар ёлғизлик азобини енгиб ўтишига тўғри келади. Бу синовларни мардона енгил эса инсоннинг ақлига, иродасига, бардошига боғлиқ. Ҳар бандани ўзи танлаган йўлдан борса-да, серзавқ, тўқин

Вақти келиб, улар умр йўлларида янги йўлдош топиб олишади. Лекин фарзандлар кимнинг уйига сиғади? Ўғай отанинг кўлига термуладими ёки ўғай онанинг юзига?! Айниқса, улар вояга етмаган, тарбия-таълимга муҳтож бўлишса-чи?!

## Ўн бир ёшли... ота



Катталарнинг хоҳиши билан танланган манзиллар доим ҳам фарзандларни бахт сари етакламайди. Отанинг ҳузур-ҳаловат излагани фарзандларининг азият чекишига сабаб бўлади. Дейлик, ота-она мурасасизлик оқибатида ажрашиб кетишди.

Меҳрибонларининг қарорлари натижасида бешафқат синонга гиррифтор бўлган болалар ҳаётнинг гўзаллигини тасаввур этишолмайдилар, бу дунёдан ўчи олиш фикри билан улғаядилар. Оқибатда, вояга етмаган вақтиданоқ ўғирлик, ҳуқуқбузарлик содир этишади. Беғубор онлари жуда эрта яқунланади.

— Вояга етмаганлар орасидаги ҳуқуқбузарлик, жиноятчиликнинг сони йилдан-йилга ортаётгани сир эмас, — дейди Сирдарё вилояти Гулистон шаҳар ИИБ вояга етмаганлар орасида ҳуқуқбузарликнинг олдини олиш гуруҳи бошлиғи, капитан Пўлат Жиянбоев. — Биз тарбияси оғир ўсмирларни назоратга олиб, билим даргоҳларига жалб этиш, қайта тарбиялаш билан шуғулланамиз. Лекин оиладаги носоғлом муҳит бола тарбиясига акс таъсир кўрсатади. Ҳисобда турган, умуман ўқимай-иш-

ламай юрган болалардан кўпчилигининг онаси ёки отаси йўқ бўлади.

Рост-да, қуш иниси кўрганини қилади. Олманинг тагига олма тушади-да. Агар оила устунларининг ҳеч бўлмаганда биттаси фарзандларининг тарбияси билан жиддийроқ шуғулланса, меҳр кўрсатса, тўғри йўлга бошқарса, давомчилари албатта оқил инсонлар бўлиб етишади. Оқ-қорани ажратиб, келажакда ўз йўлини топа олади.

Ўша саҳарлаб бозорга, арава тортишга отландиган боланинг уч укаси бор. Отаси бир суюқоёқ аёлнинг орқасидан кетиб қолганида болакай тўққиз ёшда эди. У ўн бир ёшдан онасининг ёнига кириб, оиладаги эркак вазифасини елкасига олди. Айниқса, онаси бетоб бўлиб, касалхонага тушиб қолганида унга жуда оғир бўлди. Ўзи бола бўлиб укаларига меҳр кўрсатди. Жуда кўп қийналди, йиғлади, тоған нонини жигарларига тугиб, ўзи оч қолди, лекин ёрдам сўраб отасининг ёнига бормади. Бориб нима ҳам қиларди, синглиси туғилгани ҳақида суянчи олмақчи бўлганида эшикни ҳам очмаган отадан жуда эрта умидини узди. Отасининг орсизларча қилган иши мурғак қалбида ўчмас жароҳат бўлиб қолди. Гарчи шу инсоннинг пушти камаридан бунёд бўлган бўлса-да, у тоғалари каби ориятли, гурурли эди. Ўн бир ёшли болакайнинг ўзини худди катталардек тутишига, зарур бўлганида онасига маслаҳатчи бўлаётганига, айна вақтда мактабда аъло баҳоларга ўқиётганига гувоҳ бўлганимдан сўнг унга ҳурматим ошди...

Дилфуза АБДУЛЛАЕВА

## Сўраган эдингиз...

**Қандай давлат ва жамоат вазифаларини бажарганлик учун тўлов кафолатланади ва у нима ҳисобидан амалга оширилади?**

**Ахмал ЙЎЛДОШЕВ,**  
Риштон тумани

Ходимларнинг давлат ёки жамоат вазифаларини бажаришлари, шунингдек, уларнинг жамият манфаатларига доир ҳаракатларни амалга оширишлари билан боғлиқ кафолатли тўловларни бериш тартибига кўра:

1. Сайлов ҳуқуқини амалга ошириш;  
депутатлик ва сенаторлик вазифаларини бажариш;  
Ўзбекистон Олий Мажлисининг Инсон ҳуқуқлари бўйича вакили ҳузуридаги Конституциявий ҳуқуқларга ва инсон эркинлигига риоя қилиш комиссияси фаолиятида қатнашиш;  
тиббий-меҳнат экспертиза комиссияси ишида иштирок этиш;

ҳарбий бурчни бажариш;  
суриштирув органларига, терговчи, прокурор ҳузурига, судга гувоҳ, жабрланувчи, эксперт, мутахассис, таржимон, ҳолислар тарихида (чақириқ бўйича) бориш;

халқ маслаҳатчилари, жамоат айбловчилари ва жамоат ҳимоячилари, жамоат бирлашмалари ва меҳнат жамоалари вакиллари сифатида суд мажлисларида, шунингдек, қонунда назарда тутилган бошқа ҳолларда иштирок этиш;

2. Ходимлар томонидан жамият манфаатлари йўлида қилинадиган ҳаракатлар:

авариялар, табиий офатларнинг оқибатларини тугатиш;

инсон ҳаётини сақлаб қолиш;  
қуйиш учун қон топшириш ва бошқа ҳоллар.

3. Давлат ёки жамоат вазифаларини бажариш вақтида (қонунда белгиланган ёки тегишли органининг чақириқ қоғозида, хабарномасида кўрсатилган вақтда) иш берувчи ходимнинг иш жойи (лавозими)ни сақлаган ҳолда уни ишдан озод қилиши шарт.

4. Ходимнинг давлат ёки жамоат вазифаларини бажариши, шунингдек, унинг жамият манфаатларига доир қилаётган ҳаракатлари вақтида ушбу вазифаларни бажариш учун қонунда белгиланган вақтдаги ёки тегишли орган томонидан берилган маълумотномада кўрсатиб ўтилган муддатдаги лимитга мувофиқ ўртача иш ҳақи сақлаб қолинади.

5. Ходимларнинг давлат ёки жамоат вазифаларини бажариш, шунингдек, жамият манфаатларига доир ҳаракатлар қилиши вақтидаги уларнинг ўртача иш ҳақини сақлаб қолиш билан боғлиқ харажатлар:

бюджет ҳисобидан — бюджетдан таъминланган муассасалар ва ташкилотлар томонидан;

хўжалик ҳисоби асосида — ҳисобот давридаги амалда ҳисобланган кафолатли тўловлар миқдоридан солиқ тўловлари суммасини камайтириш билан молиявий фаолиятни амалга оширувчи корхона ва ташкилотлар томонидан қопланади.

6. Давлат бошқаруви органлари, корпорация, концерн, уюшма ва бошқа хўжалик бирлашмалари бошқарув аппарати, шунингдек, жамоат ташкилотлари ва бирлашмалари, молиявий таъминлаш манбаларидан қатъи назар, ходимларнинг давлат ёки жамоат вазифаларини бажаришлари билан боғлиқ кафолатли тўловларни ташкилотларнинг иш ҳақи фонди ҳисобидан амалга оширадиган.

**Хорижда меҳнат қилаётган Ўзбекистон фуқаролари ва бизда меҳнат қилаётган чет эл фуқаролари меҳнат муҳофазаси қонунда қандай белгиланган?**

**Анатолий Ким, Фарғона шахри**

«Меҳнатни муҳофаза қилиш тўғрисида»ги қонуннинг 7-моддасига мувофиқ, Ўзбекистон корхоналари ва фуқаролари халқаро шартнома ва битимлар асосида ишларни бажараётганда меҳнат, агар ўзгача шартлашилмаган бўлса, ушбу қонунга, Ўзбекистоннинг меҳнат тўғрисидаги қонунларига мувофиқ муҳофаза қилинади.

Ўзбекистон корхоналарида ишлаётган чет эл фуқаролари учун меҳнатни муҳофаза қилиш масалаларига доир муносабатларни тартибга солишнинг ўзига хос хусусиятлари манфаатдор томонларнинг ўзаро битимлари билан белгилаб қўйилади.

**Терговчи мени гувоҳ сифатида телефон орқали чақирди. Келмасангиз, жавобгар бўласиз деди. Шу тўғрисида?**

**М.ВАЛИЕВА,**  
Тошкент шахри

Бу ҳақда Жиноят-процессуал кодексида қатор қоидалар мустаҳкамланган.

Гувоҳ, жабрланувчи, шунингдек озодликда юрган гумон қилинувчи, айбланувчи ва судланувчи суриштирувчи, терговчи, прокурорга ва судга чақирув қоғози билан чақирилади. Чақирув қоғози почта орқали жўнатилади ёки чопар орқали топширилади. Чақирув телефонограмма, телеграмма, радиogramма билан ёки телефакс орқали ҳам бўлиши мумкин.

Чақирув қоғозида шахс ким сифатида, қайси манзилга ва кимнинг ҳузурига чақирилаётганлиги, қайси кунда ва қайси соатга келиши кераклиги, шунингдек узрсиз сабабларга кўра келмай қолган тақдирда қандай оқибатлар рўй бериши кўрсатилган бўлиши лозим.

Чақирув қоғози чақирилувчига топширилиб, тилхат олинади. Чақирув қоғози олиб борилганда чақирилувчи вақтинча йўқ бўлса, унга бериб қўйиш учун чақирув қоғози у билан бирга яшовчи вояга етган оила аъзоларидан бирига, ётоқхона маъмуриятига, уй эгасига ёки фуқароларнинг ўзини ўзи бошқариш органи вакилига топширилиб, тилхат олинади.


Тергов ҳибсхонасида, вақтинча қабул қилиш-тақсимлаш қабулхоналари, жазони ижро этиш ёки тарбия колонияларида сақланаётган шахслар шу муассасаларнинг маъмурияти орқали чақирилади.

Жиноят ишини юритиш муносабати билан суриштирувчи, терговчи, прокурор, суд томонидан белгиланган тартибда чақирилган шахслар айнан кўрсатилган вақтда ҳозир бўлишлари шарт.

Узрсиз сабабларга кўра келмаган тақдирда, улар мажбурий келтирилади. Мажбурий келтириш лозим бўлган шахслар кимлар?

Мажбурий келтириш гумон қилинувчининг, айбланувчининг, судланувчининг, жабрланувчининг, гувоҳнинг процессуал ҳаракатларда ёки суд мажлисида иштирок этишини таъминлаш учун, башарти улар узрсиз сабабларга кўра келишдан бош тортганлиги аниқланган тақдирда, қўлланади.

Гумон қилинувчи, айбланувчи, судла-



нувчини олдиндан чақирувсиз мажбурий келтириш улар суриштирув, дастлабки тергов ва суддан яшириниб юрган ёки аниқ яшаш жойи бўлмаган тақдирда қўлланиши мумкин.

Судланувчининг судга келмаганлиги сабабини олдиндан аниқламасдан туриб мажбурий келтиришга алоҳида ҳолларда, ишни кўриш судланувчи бўлмаганлиги сабабли кейинга қолдирилаётган ва бунда унинг турган жойи тўғрисида маълумот бўлмаган тақдирда йўл қўйилади.

Гувоҳга ёки жабрланувчига нисбатан мажбурий келтиришнинг қўллангани уларни кўрсатув беришдан бош тортганлик учун қонунда белгиланган жавобгарликдан озод қилмайди.

Мажбурий келтириш тўғрисида қарор ёки ажрим чиқарилади.

Суриштирувчи, терговчи, прокурор мажбурий келтириш тўғрисида қарор, суд эса ажрим чиқаради. Уларда:

мажбурий келтирилиши керак бўлган шахснинг фамилияси, исми, отасининг исми;

унинг процессуал мавқеи;  
яшаш ёки иш жойи;  
мажбурий келтириш учун асослар;  
шахсни қаерга ва қачон олиб келиш кераклиги;

мажбурий келтириш кимга топширилганлиги кўрсатилган бўлиши лозим.

Қарорни ёки ажримни ким бажаради? Мажбурий келтириш тўғрисидаги қарор ёки ажрим ижро этиш учун иш юритилаётган жойдаги ички ишлар органига топширилади.

Мажбурий келтирилиши лозим бўлган шахсни топган ички ишлар органининг ходими уни қарор ёки ажрим билан ташиштириб, тилхат олади ва мазкур қарорни ёки ажримни чиқарган суриштирувчи, терговчи, прокурор ёхуд судга олиб келади. Бунда қарор (ажрим)га шахс топилган вақт ва жой, у олиб келиниб топширилган вақт, шунингдек, унинг мажбурий келтирилиши билан боғлиқ ариза, шикоят ва илтимослар ҳақидаги маълумотнома илова қилиниши лозим.

Ички ишлар органи шахснинг қочиб кетганлиги, таътилда, хизмат сафаридан эканлиги, оғир касаллиги ёки бошқа сабабларга кўра йўқлиги оқибатида мажбурий келтиришга имкон бўлмаганини аниқласа, бу ҳақда маълумотнома тузди ҳамда қарор ёки ажримни чиқарган суриштирувчи, терговчи, прокурорга ёхуд судга хабар беради.

Ҳуқуқ ва халқаро ҳаёт бўлими

**Таълим ва фан ходимлари касаба уюшмаси Фарғона вилоят кенгашига Езёвон тумани халқ таълими бўлимининг 14 нафар техник ходимларининг 2007 йил ноябр ва декабр ва 2008 йилнинг феврал ва март ойларида ишлаган кунлари учун маошларини ололмаётганликлари юзасидан мурожаат қилишди.**

— Техник ходимларнинг иш ўринлари қисқартирилди, — дейди шикоятчи Тойиржон Пулатов. — Биз ишдан бўшадик, лекин меҳнат қилган кунларимиз учун иш ҳақимизни беришмаяпти. Мана, бир йилдан буён туман молия, халқ таълими бўлими, ҳокимият органлари ўртасида сарсонимиз.

Касаба уюшма ҳуқуқшунослари томонидан шикоятни ўрганиш чоғида қўл нарсаларга ойдинлик киритилди. Туман халқ таълими бўлимида 2007 йил-

## Касаба уюшмаси даъво қўзғатди

дан бошлаб халқ таълими муассасаларининг марказлашган бухгалтериялари қисқартирилиб, иш ҳақи ва унга тенглаштирилган тўловлар туман молия бўлими орқали амалга оширилаётганини айтишди.

Аниқланишича, ХТБ шикоятчиларнинг талабларини қондириш мақсадида бир неча бор туман молия бўлимига мурожаатлар юборган, бироқ у ердаги масъуллар 10 нафар техник ходим ва мавсумий ишга олинган 4 нафар ўт ёқувчининг 1 715 192 сўмлик иш ҳақларини тўлаб беришдан бош тортган.

Туман ХТБ хўжалик бўлими бош-

лиги Иброҳимжон Абдуллаев иш ҳақларини ундира олмаётган техник ходимлар, дарҳақиқат, унинг қўл остида ишлаганлигини, ўт ёқувчилардан ташқари, фаррош, қоровул, сан-

техник бўлими ходимлари бўлгани ва уларнинг барчаси буйруқ билан ишга олингани, иш берувчи ва ходимлар ўртасида меҳнат шартномаси тузилгани, ходимларнинг ишлаган кунларига табеллар тузилганини эътироф этди. Бундан ташқари, улар 2008 йилнинг биринчи чорагида ҳам ишлаганликлари, молия бўлими эса 2008 йил-

нинг феврал ойида ХТБнинг хўжалик бўлими қисқартирилиши ҳақида маълумот бергани ҳам маълум бўлди.

Касаба уюшма ҳуқуқшунослари тўпланган маълумотлар асосида шикоятчиларнинг иш ҳақлари тўлиқ ундирилиб берилиши ва уларга етказилган маънавий зарар Езёвон туман молия бўлими томонидан тўланишини талаб қилиб, судга даъво аризаси киритди. Натижанда, ХТБнинг 14 нафар собиқ ходимига 1 715 192 сўм маошлари ҳамда уларнинг ҳар бирига етказилган маънавий зарар учун 50 минг сўмдан пул ундириб берилди.

**Улуғбек ИБОДИНОВ,**  
«Ishonch» мухбири

## «Ижодкор, бунёдкор, ихтирочи ва ташаббускор авлод — тараққиётимиз таянчи» Республика танловига

**Ж**алолиддин одатдагидай ишга барвақт келди. Йўлак бўйлаб хонаси томон борар экан, пешвоз чиқиб саломлашган навбатчи ҳамшира унга беморлар аҳволи ҳақида ҳисобот берди. У маълумотни хотиржамлик билан тингларкан, аста хонасига йўл олди.

Аквариумдаги бир жуфт олтин балиқлар эгасини кўриб, хурсанд бўлгандай жонланиб қолди. Жалолиддин уларга овқатини берди. Оқ халатини кийиб, балиқларга завқ билан тикиларкан, хаёлига болалик дамлари келди.

...Оиладаги тўрт фарзанднинг тўнғичи Жалолиддин 1976 йили Тошкент шаҳрида хизматчи оиласида таваллуд топди. Оталари Жамоллиддин Тўйчиев узоқ йиллар 44-АТС бош муҳандиси лавозимида ишлаган. Болаларига меҳрибон ва талабчан ота доимо камтар бўлишни, яхши ўқишни уқтирар эди. 3-4 ёшларида эди чамаси, оналари Карима опа Жалолиддиннинг бошини силаб катта бўлсанг шифокор бўлсан, бетоб бўлсам ўзинг даволайсан деб яхши ният қилди. Оила тинч ва бахтиёр эди...

Хаёт синовлари ҳар бурчакдан кутилмаганда чиқиб қолади. Тўсатдан Жамоллиддин

дин ака оламдан ўтди. Ҳар куни ишдан келиши байрам бўладиган ота энди йўқ. Болаларнинг кўзлари жовдираб қолди. Қанчалик қийин бўлмасин, Карима опа бу зарбани ичига ютиб ўзини болаларга бағишлади. Оқ ювиб оқ таради, ўқитди, ҳалол луқма билан катта қилди. Табиатан жиддий ва босиқ бўлган Жалолиддин бутун масъулият

лади. Кейинчалик Тошкент шаҳар клиник юкумли касалликлар шифохонасида ишлади. Тошкент педиатрия медицина институти юкумли касалликлар кафедрасида педагогик ва илмий фаолият олиб борди. Устози профессор Илҳом Қосимов раҳбарлигида «Ичтерлама билан оғриган беморларнинг клиник-иммунологик ўзгаришлари» мавзу-

— Бўлимимиз болаларга мўлжалланган, — дейди Жалолиддин. — Бу ерда турли ёшдаги болалар мавсумий касалликлардан даволанади. Куз-қиш ойлари гепатит, иссиқ фаслларда эса санитар-гигиена қоидаларига риоя қилмасликдан дезинтерия келиб чиқади. Ушбу касалликларни даволаш учун етарли шароит ва

Бешиқдан қабргача илм изла. Хадис


ҳадаги янгиликлардан доимо бохабар бўлмоқ, шу билан бирга, чет тилини ўрганмоқ зарур. Кутубхоналарда ўтириб мутолаа қилиш, интернетдан унумли фойдаланиш ҳам муҳим...

Шифокор деган муборак номни оқлаб келаётган Жалолиддинни касбдошлари малакали мутахассис ва жонқуяр раҳбар сифатида яхши билишади. У ўтган йили Тошкентда ўтказилган бунтжаҳон инфекционист-врачлар съездининг, ЭМЮКИТИнинг 70 йиллигига бағишланган илмий конференциянинг иштирокчиси. Вилоятларга тез-тез бориб маърузалар қилади, ҳамкасбларига маслаҳатини аямайди.

Онанининг орзусини рўёбга чиқарган Жалолиддин бугунги кунда 3 фарзанднинг отаси. Ҳар куни ишга отланар экан, онасининг дуосини олмасдан кўчага чиқмайди. Жалолиддин Тўйчиевнинг орзулари бисёр: илмий ишларини давом эттириб, касб маҳоратини янада ошириш, юртдошларимиз саломатлигини муҳофаза қилишга ҳисса қўшиш. Эзгу ниятлар Жалолиддинга доимо йўлдош бўлишига тилақдошимиз.

Шавкат МУЗАФФАР

## Ушталган орзу



сида номзодлик диссертациясини ёқлади. Ўз устида тинимсиз ишлади, хорижий тилларни ўрганди. 2003-2004 йилларда Германияда «Соғлиқни сақлашни ташкиллаштириш» йўналишида малака оширди...

унинг бўйнида эканлигини жуда яхши тушунарди. Болаликдан шифокор бўлишни орзу қилди, 9-ўрта мактабни олтин медалга тамомлади. Ниҳоят, 1992 йили орзулари рўёбга чиқди. 1-ТошМининг даволаш факултети талабаси бўлди. Шу билан бирга, меҳнат фаолиятини ҳам бошлаб юборди. Тез тиббий ёрдамда, санитар авиациясида иш-

Жалолиддин Тўйчиев қисқа фурсатда ўз илми ва заковати билан ҳаётда ўз ўрнини топа олган мутахассислардан. У бугунги кунда Тошкент шаҳар эпидемиология, микробиология ва юкумли касалликлар илмий текшириш институти клиникаси бўлими мудири лавозимида ишлайди.

дори-дармонларга эгамиз.

Касбнинг ўзига хос жиҳатлари ҳақида сўраганимизда, Жалолиддин куйидагиларни сўзлаб берди:

— Менимча, шифокор биринчи галда бемордан жирканмайдиган ва очиқ чеҳрали бўлмоғи даркор. Айниқса, болаларни даволамоқчи бўлсак, аввало, уларнинг қалбига йўл топа олишимиз керак. Шунда уларнинг ишончи ортади. Бўлажак врачларга тиббиётнинг энг кичик ишларидан иш бошлашни маслаҳат берардим. Бунда киши тобланади, тажриба орттиради, меҳнатнинг қадрига етади. Шунингдек, ўз устида тинимсиз ишламоқ, инсонни тинглай билмоқ, со-

**Иноят болалигидан мусиқага ихлос қўйганди. Ундаги қизиқишни пайқаган ота-онаси Янгибозор туман болалар мусиқа мактабига олиб боришди. Бу ерда Гулмубой Жумамуродовга шогирд тушиб, қашқар рубобини чалишни ўрганди. Сўнг санъатга бўлган қизиқиш уни Урганч санъат коллежига етақлади.**

## Виолончелда янграган

### «Ушшоқ»

— Торли асбоблар бўлимида миллий чолғулар бўйича таҳсил олмақчи эдим, — хикоя қилади Иноят Каримов. — Бироқ... Ушанда устозим Ҳамдам Раҳимовнинг биринчи дарси эди. У киши виолончел ҳақида тушунча бергач, унинг жўрлигида мусиқа чалиб беришини айтди. Бу асбоб тўғрисида эшитгандим. Лекин унда куй тинглаб кўрмагандим. Устозим «Ушшоқ»ни чалиб берди. Юрагимни ҳайрат, ҳаяжон қоплади. Кўзларим чақнаб кетди. Устозимдан қайта-қайта куйни шу асбобда чалдунгимиз дея сўрадим. У табасум қилганча, «Истасанг, «Чоргоҳ»ни чалиб бераман» дея навбатдаги куйни бошлади. Назаримда, сел бўлиб кетдим. «Мени синфингизга қабул қилинг» дея унга ёлвора бошладим.

Ўспириннинг ҳолати Ҳамдам акага нотаниш эмасди. Бир пайтлар устози Аминбой Сапаев ушбу куйларни виолончелга мослаштирганини кўрганда, ўзи ҳам ҳайратини яшира олмаганди.

— Виолончелни мусиқа асбоблари ичида юракка энг яқини деб таърифлашлари бежиз эмас, — дейди Ҳамдам ака. — Бу мусиқа асбобининг Хоразмга кириб келиши ва ривожланиши устозимиз Қадамбой Мусаев билан боғлиқ. У вилотиимизда биринчи бўлиб консерваторияда ушбу мусиқа асбоби бўйича таҳсил олган. Урганч санъат колле-

жида сабоқ берган, раҳбарлик қилган йилларида ажойиб шогирдлар етиштирган. Шулардан бири Аминбой Сапаев айна пайтда Туркия консерваториясида виолончелдан Европа ёшларига сабоқ бермоқда. Мен Тошкент консерваториясида таҳсил олгач, устозим Қадамбой Мусаевнинг таклифи билан коллежимизга қайтиб келдим. Айна пайтда унинг ишини мамнуният билан давом эттираяпман. Қадамбой ака мени асил шогирдимсан дейди. Чунки санъат билим юртига ўқишга кириш учун камида етти йил мусиқа мактабида таҳсил олиш керак бўлади. Бунга қарангки, оиламизда олти фарзанд бўлсак, бештаси мусиқа мактабида таҳсил олган, биргина мен бундан беҳабар қолганман. Қадамбой аканинг истеъдодига ҳавас қилиб мусиқачи бўлишга аҳд қилдим. Ҳозир Иноят каби шогирдларим камолини кўриб, севиниб кетаман.


— Таҳсил давомида виолончел ўн бешинчи асрларда яратилганини билиб олдим. Мени ҳайратлантирган яна бир жиҳат — бу асбобни яратиш учун юз йил вақт керак бўлгандир. Виолончел дубдан ясалган. Дарахтни юз йил ерга кўмиб қўйишган. Шунда дарахт-

нинг хом жойлари йўқолиб, асил жойлари қолган. Бобо кўмган дарахтдан неварга мусиқа асбоби ясаган, — дейди Иноят. — Шунинг учун ҳам унда янграган куйлар маромига етиб ижро қилинса керак. Унинг юракка яқинлиги ҳам шундан деб ўйлайман.

Коллеждаги таҳсил давомида республика танловларида фаол иштирок этган Иноят устозининг фотиҳаси билан 2008 йилда билим юртини тамомлагач, консерваторияга ҳужжат топширди.

Биринчи курсда таҳсил олаётган кезидаёқ мукамал ижроси билан мусиқачилар эътиборини қозонди. Турли тадбир ва концертларда санъатини намойиш қила бошлади. Композитор Муҳаммад Отажоновнинг юбилей концерти ва ҳамкурсиси Миржон Ашраповнинг яққалон концертида қатнашиб, тингловчилар олқишига сазовор бўлди. Яққалон, ансамбл ва симфоник оркестр таркибида бир қатор асарларни ижро этгач, ўзини яна бир қарра синовдан ўтказишга қарор қилди. Унинг бу аҳди устозларига маъқул келди. Иноят илк яққалон концертини виолончел чалишни ўрганган муқаддас даргоҳ — Урганч санъат коллежиде беришга жазм этди.

И.Гайднинг «Концерт С-dur», У.Мусаевнинг «Ариоза», М.Отажоновнинг «Тасвир», И.Бахнинг «Ария» (квартет), А.Пиццоланинг



«Танго» (ансамбл), Л.Боккеринининг «3-соната» асарлари, А.Сапаев ва М.Отажоновлар қайта ишлаган «Ушшоқ» ҳамда «Чоргоҳ» туркумидан лавҳалар мухлислар меҳрини қозонди.

— Концерт кутганимиздан ҳам мароқли кечди, — дейди Ҳамдам Раҳимов. — Вилотиимизда ижод қилаётган кўпба санъат намояндалари ташриф буюрди. Виолончел ишқибозлари, талабалар... Коллежимизнинг концерт зали лик тўлди. Иноят ҳаяжонини енгиб, бутун маҳорат ва истеъдодини ишга солган ҳолда куйларни жозоба билан ижро этди.

Шундай шижоат Иноятни янги изланишларга ундамоқда. У кейинчалик консерваторияда ҳам концерт дастурини намойиш қилмоқчи. Шу билан бирга, Қозоғистонда бўладиган халқаро танловга тайёрланаётир.

— Орзуларим бир дунё, — дейди Иноят. — Аминбой Сапаев ва Муҳаммад Отажоновларнинг йўлини давом эттириб, бошқа куйларимизни ҳам виолончелга мослаштириб, ўзбек санъатининг доврўғига доврўқ қўйишни истайман.

Муҳаббат ТўРАБОЕВА,  
«Ishonch» мухбири

## Душанба

## Хотин - қизлар куни!

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 12.50, 15.00, 23.50 «Иқлим».  
7.05, 8.45, 11.10, 14.15, 16.30, 17.35, 20.05, 21.35 ТВ - анонс.  
7.10 «Юртим бўйлаб» дастури: «Қандай гўзал бу дунё».  
7.25 Миллий кино: «Робия».  
7.50 «Тонгги наволар».  
8.00 «Тахлилнома».  
8.50 Хотин-қизлар кунига бағишланган байрам дастури.  
«Болалар сайёраси»:  
10.30 «Кўрсатувлар саргузаштлари». М/ф.  
11.00, 14.00, 17.00, 21.00 «Ахборот».  
11.15 «Аёл қалби наволари».  
11.30 «Очиқ дастурхон».  
12.55 «Ойдин ҳаёт». Ток-шоу.  
13.40 «Рангин дунё».  
14.20 «Анъана».  
14.40 «Аёл бахти».  
«Болалар сайёраси»:  
15.05 «Тумарис». М/ф.  
15.35 «Бувим ёпган нон». В/ф.  
16.35 «Наврўз соғинчи».  
16.45 2010 йил - Баркамол авлод йили. «Мен ёшликман».  
17.10 «Олтин мерос».  
17.20 «Нафосатга йўрилган матонат».  
17.40 «Қизлар давраси».  
18.55 «Менинг оилам».  
19.20 «Ифтихор».  
19.25, 20.00, 20.55 Эълонлар.  
19.30 «Ахборот». /рус/.  
20.10 Серил: «Меҳмонжонлардан айланай».  
20.45 «Аёл гўзаллиги оламни безар». Мусикий дастур.  
21.40 «Заковат».  
22.40 Миллий кино: «Бахт қадри».  
23.55 - 00.05 Тунги наволар.

## Сешанба

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 12.55, 15.00, 22.35 «Иқлим».  
7.05, 8.35, 11.10, 13.30, 14.15, 15.55, 17.10, 18.05, 18.55, 20.05, 21.35 ТВ - анонс.  
7.10 «Олам ва одам» дастури: «Экспедиция».  
8.00, 11.00, 14.00, 17.00, 21.00 «Ахборот».  
8.40 - 9.40 «Маънавият» дастури.  
«Болалар сайёраси»:  
9.40 «Урмон сёҳатчилари». М/ф.  
10.00 «Бизнинг кутубхона».  
10.20 Сурхондарё вилояти телерадиокомпанияси намойиш этади: «Кўнгила ташири».  
10.40 «Икки дарё орилигида».  
11.15, 18.10 Серил: «Умр манзаралари».

## Душанба

## Хотин-қизлар куни!

7.25 Кўрсатувлар тартиби.  
7.30, 13.00 «Салом, Тошкент!»  
8.30, 17.45 «Карвонсарой».  
8.40 Мумтоз наволар.  
8.45 «Садоқат». Б/ф.  
11.25 «Қаҳ-қаҳа». гуруҳи тақдим этади.  
11.55 Миллий мультфильмлар: «Фаррух ва Зумрад»: «Баҳром ва Дилором»: «Сегрли сандиқ»,  
12.30 «Саргузаштлар ороли».  
12.55, 14.25, 15.10, 21.55 «Анонс».  
14.00 «Мафтун».  
14.20 «Уйларим».  
14.30 «Кинотакдим».  
15.00, 18.00 «Пойтахт».  
15.15 «Тошкентда латифа».  
15.25 «Самимият ила».  
15.55 «Болаликка қайтиб».  
16.15 «Малика ва етти баҳодир». М/ф.  
16.45 «Нима учун?»  
17.25 «Аёл қалби».  
17.55 «Телекуррьер-маркет».  
18.20 Миллий кино: «Сени излаб». 1-қисм.  
20.00 Тошкент окшомлари  
20.30 Истедот  
20.50 «Кўшиқларда аёл мадхи».  
21.10 Менинг шахрим  
21.30 «Пойтахт». Рус  
21.50 «Телекуррьер-маркет».  
22.00-23.35 Миллий кино: «Сени излаб». 2-қисм

## Сешанба

7.25 Кўрсатувлар тартиби.  
7.30, 13.00 «Салом, Тошкент!»  
8.30 Бизнес-Пойтахт».  
8.35, 17.50 «Карвонсарой».  
8.45, 15.15 «Эсмеральда».  
9.15 Мумтоз наволар.  
9.25, 9.40, 15.10, 19.55, 21.15 «Анонс».  
9.30, 15.00, 18.00, 20.00 «Пойтахт».  
9.45, 18.25 Серил: «Зебузар».  
10.10 «Аёл қалби».  
10.30 «Пойтахт». /рус/.  
10.40 «Полицийский с петушиного холма». Т/с  
11.05 «Будьте здоровы».  
11.15 «Жўнатилмаган мактублар». Б/ф.  
14.00 «Дунё» теледастури.  
14.55 «Уйларим».

11.50 «Ахборот». /инглиз/.  
12.55 «Ифтихор».  
13.00, 20.10 Серил: «Меҳмонжонлардан айланай».  
«Болалар сайёраси»:  
13.35 «Пинг ва Понг». М/с.  
14.20 «Буюк аждодларимиз».  
14.40 «Узингни асра».  
15.05 «Олам ва одам» дастури: «Жанубий Америка табиати».  
16.00 «Тезкор хабарлар».  
16.10 «Мен ёшликман».  
16.25 «Наврўз соғинчи».  
16.40 «Икки дарё орилигида».  
17.15 «Худудлар ҳаёти».  
«Болалар сайёраси»:  
17.35 «Эртақлар - яхшиликка етаклар».  
17.55 «Олтин мерос».  
18.45 «Кун мавзуси».  
19.00 «Навоийни англаш».  
19.20 «ТВ - шифокор».  
19.25, 20.00, 20.55 Эълонлар.  
19.30 «Ахборот». /рус/.  
20.45 «Ватанимни куйлайман».  
21.40 «Тўрға тушган товламачилар».  
21.55 «Муҳаббат фасли». Т/с.  
22.40 «Даниэл Деронда». Б/ф. 1-қисм.  
23.25 - 23.35 Тунги наволар.

## Чоршанба

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 12.50, 15.00, 22.30 «Иқлим».  
7.05, 13.35, 14.15, 17.10, 18.00, 20.05, 21.30, 22.35 ТВ - анонс.  
7.10 «Олам ва одам» дастури: «Экспедиция».  
8.00, 11.00, 14.00, 17.00, 21.00 «Ахборот».  
8.35 - 9.35 «Маънавият» дастури.  
«Болалар сайёраси»:  
9.35 «Етти япроқ мўъжизаси». М/ф.  
9.55 «Ягона оилада».  
10.15 «Муҳаббат фасли». Т/с.  
10.55 «Сизнинг адвокатингиз».  
11.10, 19.20 «ТВ - шифокор».  
11.15 «Кун мавзуси».  
11.25, 18.15 Серил: «Умр манзаралари».  
12.55 «Изҳор».  
13.00, 20.10 Серил: «Меҳмонжонлардан айланай».  
«Болалар сайёраси»:  
13.40 «Қизиқарли математика». М/с.  
14.20 «Одамлардан бири».  
14.40 «Эркин иқтисодиёт».  
15.05 «Олам ва одам» дастури: «Жанубий Америка табиати».  
15.55 «Уйла, Изла, Топ!»  
16.35 «Наврўз соғинчи».  
16.40 «Икки дарё орилигида».  
17.15 2010 йил - Баркамол авлод йили. «Таълимга эътибор - келажакка эътибор».  
«Болалар сайёраси»:  
17.35 «Эртақлар - яхшиликка етаклар».

## Чоршанба

15.45 «23, 5 даражали бурчак остида». Х/ф.  
16.35 «Истеъдод».  
16.50 «Тошкентнинг илм масканлари».  
17.05 «Уйларим».  
17.10 «Спирит-Симморон оти». М/ф.  
18.20 «Телекуррьер-маркет».  
18.50 «Химоя».  
19.00 «Эгизаклар». Т/с 39-қисм.  
20.20 Бизнес-Пойтахт».  
20.25 «Аччиқ ёлгон». Т/с.  
21.00 «Менинг маҳаллам».  
21.20 Мумтоз наволар.  
21.30 «Пойтахт». /рус/.  
21.50 «Репортаж». /рус/.  
22.00 «Телекуррьер-маркет».  
22.05 «Кино SMS со звездами».  
22.10-23.40. «Свидетель на свадьбе». Х/ф.

## Чоршанба

7.25 Кўрсатувлар тартиби.  
7.30, 13.00 «Салом, Тошкент!»  
8.30 Бизнес-Пойтахт».  
8.35, 17.50 «Карвонсарой».  
8.45, 15.15 «Эсмеральда». Т/с  
9.15 Мумтоз наволар.  
9.25, 10.25, 15.10, 16.50, 19.55 «Анонс».  
9.30, 15.00, 18.00, 20.00 «Пойтахт».  
9.40 «Анонс».  
9.45, 18.25 Серил: «Зебузар».  
10.10 «Химоя».  
10.30 «Пойтахт». /рус/.  
10.40 «Полицийский с петушиного холма». Т/с  
11.05 «Репортаж». /рус/.  
11.15 «Мысли вслух».  
11.20 «Аҳмад қаерда?» Б/ф.  
12.45 «Менинг маҳаллам».  
14.00 «Дунё» теледастури.  
14.55, 16.55 «Уйларим».  
15.45 «23, 5 даражали бурчак остида». Х/ф.  
16.35 «Хуқуқшунос маслаҳати».  
16.40 «Тошкентда латифа».  
17.00 «Ислоҳот одимлари».  
17.15 «Спирит-Симморон оти». М/ф.  
18.20 «Телекуррьер-маркет».  
18.50 «Саломат бўлинг!».  
19.00 «Эгизаклар». Т/с.  
20.20 Бизнес-Пойтахт».  
20.25 «Аччиқ ёлгон». Т/с.  
21.00 Экология «Пойтахт».  
21.10 «Дурдона».  
21.25 Мумтоз наволар.

## O'zbekiston

17.55 «Сизнинг адвокатингиз».  
18.05 «Олтин мерос».  
18.50 «Огоҳликка даъват».  
19.15 «Ифтихор».  
19.25, 20.00, 20.55 Эълонлар.  
19.30 «Ахборот». /рус/.  
20.45 «Ватанимни куйлайман».  
21.35 2010 йил - Баркамол авлод йили. «Мен ёшликман».  
21.50 «Муҳаббат фасли». Т/с.  
22.40 «Даниэл Деронда». Б/ф. 2-қисм.  
23.25 - 23.40 Тунги наволар.

## Пайшанба

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 12.50, 15.10, 22.45 «Иқлим».  
7.05, 8.35, 13.35, 14.15, 15.05, 16.10, 17.10, 20.05, 21.35 ТВ - анонс.  
7.10 «Олам ва одам» дастури: «Экспедиция».  
8.00, 11.00, 14.00, 17.00, 21.00 «Ахборот».  
8.40 - 9.40 «Маънавият» дастури.  
«Болалар сайёраси»:  
9.40 «Цирк, цирк, цирк».  
9.55 «Кўнгироқул». М/ф.  
10.15, 22.05 «Муҳаббат фасли». Т/с.  
10.55 «Сизнинг адвокатингиз».  
11.10, 19.20 «ТВ - шифокор».  
11.15, 18.00 Серил: «Умр манзаралари».  
11.50 «Ахборот». /инглиз/.  
12.55 «Ифтихор».  
13.00, 20.10 Серил: «Меҳмонжонлардан айланай».  
«Болалар сайёраси»:  
13.40 «Қизиқарли математика». М/с.  
14.20 «Тараққиёт ва фаровонлик сари».  
14.40 «Огоҳликка даъват».  
15.15 «Олам ва одам» дастури: «Тўқнашувга уч дақиқа қолганда».  
16.00 «Тезкор хабарлар».  
16.15 «Мен ёшликман».  
16.30 «Наврўз соғинчи».  
16.40 «Икки дарё орилигида».  
17.15 «Тарих кўзгуси».  
«Болалар сайёраси»:  
17.35 «Эртақлар - яхшиликка етаклар».  
17.50 «Олтин мерос».  
18.35 «Ватан манзиллари».  
18.55 «Кун мавзуси».  
19.10 «Бизнес ва мен».  
19.25, 20.00, 20.55 Эълонлар.  
19.30 «Ахборот». /рус/.  
20.45 «Ватанимни куйлайман».  
21.40 «Хонадон».  
22.50 «Даниэл Деронда». Б/ф. 3-қисм.  
23.45 - 23.55 Тунги наволар.

## Жума

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 12.55, 15.00, 22.40 «Иқлим».  
7.05, 13.30, 14.15, 17.10, 20.05, 21.35, 22.45 ТВ - анонс.  
7.10 «Олам ва одам» дастури: «Экспедиция».  
8.00, 11.00, 14.00, 17.00, 21.00 «Ахборот».  
8.35 - 9.35 «Маънавият» дастури.  
«Болалар сайёраси»:  
9.35 «Болалар дунёси».  
9.55 2010 йил - Баркамол авлод йили. «Таълимга эътибор - келажакка эътибор».  
10.15, 22.00 «Муҳаббат фасли». Т/с.  
10.55, 19.20 «ТВ - шифокор».  
11.10 «Кун мавзуси».  
11.25, 18.10 Серил: «Умр манзаралари».  
12.55 «Изҳор».  
13.00, 20.10 Серил: «Меҳмонжонлардан айланай».  
«Болалар сайёраси»:  
13.35 «Қизиқарли математика». М/с.  
14.20 «Дунё манзаралари».  
14.40 «Бир жиноят изидан».  
15.05 «Олам ва одам» дастури: «Тўқнашувга уч дақиқа қолганда».  
15.55 Жалон мусиқаси хазинасидан. Й. Гайдн.  
16.40 «Икки дарё орилигида».  
17.15 «Саломатлик дастури».  
«Болалар сайёраси»:  
17.35 «Эртақлар - яхшиликка етаклар».  
17.55 «Сизнинг адвокатингиз».  
18.00 «Олтин мерос».  
18.10 «Очиқ дарс». Ток-шоу.  
18.50 «Минг бир ривоят».  
18.55 «Хидоят сари».  
19.15 «Ифтихор».  
19.25, 20.00, 20.55 Эълонлар.  
19.30 «Ахборот». /рус/.  
20.45 «Ватанимни куйлайман».  
21.40 «Бир ўлка-ки...»  
22.50 «Даниэл Деронда». Б/ф. 4-қисм.  
23.45 - 23.55 Тунги наволар.

## Шанба

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 13.00 «Иқлим».  
7.05, 8.35, 9.45, 13.05, 14.15, 21.30 ТВ - анонс.  
7.10 Миллий кино: «Тақдир эшиги».  
7.45 «Тонгги наволар».  
8.00, 14.00, 21.00 «Ахборот».  
«Болалар сайёраси»:  
8.40 «Бўз бўрининг саргузаштлари».

М/ф.  
9.50 «Музыка дунёси».  
10.10 «Ифтихор».  
10.15 «Минг бир ривоят».  
10.20 «Хидоят сари».  
10.40 «Чинсен».  
11.00 «Оналар мактаби».  
11.20 «Муҳаббат фасли». Т/с.  
13.10 Серил: «Меҳмонжонлардан айланай».  
13.40 «Бир ўлка-ки...»  
14.20 «Оҳанрабо».  
15.00 «Лочинбоз Томаш». Б/ф.  
16.40 «Минг бир маслаҳат».  
«Болалар сайёраси»:  
17.00 «Уйла, Изла, Топ!»  
17.40 «Эртақлар - яхшиликка етаклар».  
17.55 «Қорақалпоқ наволари».  
18.05 «Саломатлик сирлари».  
18.25 Серил: «Умр манзаралари».  
19.00 «Анъана».  
19.20 «ТВ - шифокор».  
19.25, 20.00, 20.55 Эълонлар.  
19.30 «Ахборот». /рус/.  
20.05 Серил: «Денгиздан томчи».  
20.40 «Шарқ тароналари».  
21.35 Жаҳон киноси дурдоналари.  
«Кема». Б/ф.  
23.40-23.50 Тунги наволар.

## Якшанба

5.55 Кўрсатувлар дастури.  
6.00, 12.00 «Ассалом, Ўзбекистон!»  
7.00, 13.00 «Иқлим».  
7.05, 8.35, 11.55, 13.05, 15.15, 19.00, 20.05, 21.35 ТВ - анонс.  
7.10 Миллий кино: «Тақдир эшиги».  
7.45 «Тонгги наволар».  
8.00 «Ахборот».  
«Болалар сайёраси»:  
8.40 «Бизнинг кутубхона».  
9.00 «Бахт ўзи нима?» М/ф.  
9.10 «Анъана».  
9.30 «Очиқ дастурхон».  
10.00 «Саломатлик сирлари».  
10.20 «Минг бир хунар».  
10.35 «Ойдин ҳаёт». Ток-шоу.  
11.20 Серил: «Умр манзаралари».  
13.10 «КиноТеатр».  
13.35 «Баҳор, ёз, куз, қиш, ва яна баҳор». Б/ф.  
15.10 «Иқлим».  
«Болалар сайёраси»:  
15.20 «Ёқимтой панда». М/ф.  
16.30 «Заковат».  
17.30 Миллий кино: «Шум бола».  
19.05 «Рангин дунё».  
19.25, 20.00, 20.55 Эълонлар.  
19.30 «Тахлилнома». /рус/.  
20.10 Серил: «Денгиздан томчи».  
20.40 «Кўнгил қўшиқ истаиди».  
21.00 «Тахлилнома».  
21.40 «Азизим».  
22.10 «Оруз улашувчилар». Б/ф.  
00.05 - 00.15 Тунги наволар.

## TOSHKENT

21.30 «Пойтахт». /рус/.  
21.50 «Интервью». /рус/.  
22.00 «Телекуррьер-маркет».  
22.05 «Кино SMS со звездами».  
22.10 - 00.20 «Бой с тенью». Х/ф.

## Пайшанба

7.25 Кўрсатувлар тартиби.  
7.30, 13.00 «Салом, Тошкент!»  
8.30 Бизнес-Пойтахт».  
8.35, 17.50 «Карвонсарой».  
8.45, 15.15 «Эсмеральда». Т/с.  
9.15 Экология «Пойтахт».  
9.25, 9.40, 10.25, 11.15, 15.10, 21.00 «Анонс».  
9.30, 15.00, 18.00, 20.00 «Пойтахт».  
9.45, 18.25 Серил: «Зебузар».  
10.10 «Дурдона».  
10.30, 21.30 «Пойтахт». /рус/.  
10.40 «Полицийский с петушиного холма». Т/с  
11.05 «Интервью». /рус/.  
11.20 «Ислоҳот одимлари».  
11.35 «Юлдузингни бер, осмон». Б/ф.  
14.00 «Дунё» теледастури.  
14.55 «Уйларим».  
15.45 «23, 5 даражали бурчак остида». Х/ф.  
16.35 «Уйларим».  
16.40 Жаҳон мусиқаси дурдоналари. Мендельсон.  
16.45 «Конун доирасида».  
17.00 «Сехрли чироқ». М/ф. 1-қисм.  
18.20 «Телекуррьер-маркет».  
18.50 «Репортаж».  
19.00 «Чин муҳаббат». Т/с 1-қисм.  
20.20 Бизнес-Пойтахт».  
20.25 «Аччиқ ёлгон». Т/с.  
21.05 «Мафтун».  
21.25 «Мумтоз наволар».  
21.50 «Экономическое ревью».  
22.00 «Телекуррьер-маркет».  
22.05 «Кино SMS со звездами».  
22.10-23.50 «Запретное царство». Х/ф.

## Жума

7.25 Кўрсатувлар тартиби.  
7.30, 13.00 «Салом, Тошкент!»  
8.30, 20.20 Бизнес-Пойтахт».  
8.35, 17.50 «Карвонсарой».  
8.45, 15.10 «Эсмеральда». Т/с  
9.15 Мумтоз наволар.

9.25, 9.40, 10.25, 11.15, 16.30, 21.05 «Анонс».  
9.30, 15.00, 18.00, 20.00 «Пойтахт».  
9.45, 18.25 Серил: «Зебузар».  
10.10 «Репортаж».  
10.20 Жаҳон мусиқаси дурдоналари. Мендельсон.  
10.30 «Пойтахт». /рус/.  
10.40 «Полицийский с петушиного холма». Т/с 8-қисм.  
11.05 «Экономическое ревью».  
11.20 «Йўқолган омад». Б/ф.  
14.00 «Дунё» теледастури.  
14.55, 17.10 «Уйларим».  
15.40 «23, 5 даражали бурчак остида». Х/ф.  
16.35 «Конун доирасида».  
16.50 2010 йил-Баркамол авлод йили: «Эртамиз эгалари».  
17.05 «Тошкентда латифа».  
17.15 «Сехрли чироқ». М/ф. 2-қисм.  
18.20 «Телекуррьер-маркет».  
18.50 «Саломат бўлинг!»  
19.00 «Чин муҳаббат». Т/с 2-қисм.  
20.25 «Долзарб мавзу».  
21.10 «Маърифат фидойилари».  
21.25 Мумтоз наволар.  
21.30 «Пойтахт». /рус/.  
21.50 «Афиша». /рус/.  
22.00 «Телекуррьер-маркет».  
22.05 «Кино SMS со звездами».  
22.10-00.15 «Игры разума». Х/ф.

## Шанба

7.25 Кўрсатувлар тартиби.  
7.30, 13.00 «Салом, Тошкент!»  
8.30 Бизнес-Пойтахт».  
8.35, 17.45 «Карвонсарой».  
8.45, 15.00 «Эсмеральда». Т/с  
9.15 Мумтоз наволар.  
9.25, 9.40, 10.25, 16.50, 17.40, 18.20, 21.00 «Анонс».  
9.30, 20.00 «Пойтахт».  
9.45, 18.25 Серил: «Зебузар».  
10.10 2010 йил-Баркамол авлод йили: «Эртамиз эгалари».  
10.30 «Пойтахт». /рус/.  
10.40 «Полицийский с петушиного холма». Т/с 9-қисм.  
11.05 «Афиша». /рус/.  
11.15 «Открытая дверь».  
11.45 «Ошиқ бўёқчи ҳақида эртақ». Б/ф.  
14.00 «Дунё» теледастури.  
14.55, 20.25 «Уйларим».  
15.30 «Саломат бўлинг!»  
15.40 «23, 5 даражали бурчак остида». Х/ф.

16.30 «Миллий эстрада концерти».  
16.55 «Хуқуқшунос маслаҳати».  
17.00 «Мулоҳаза учун мавзу».  
17.30 «Афиша».  
17.55 «Телекуррьер-маркет».  
18.00 «Санъатимиз хазинасидан».  
18.50 «Интервью».  
19.00 «Чин муҳаббат». Т/с 3-қисм.  
20.20 Бизнес-Пойтахт».  
20.30 «Самимият ила».  
21.05 «Истеъдод».  
21.25 Мумтоз наволар.  
21.30 «Пойтахт». /рус/.  
21.50 «Мысли вслух».  
21.55 Экология «Пойтахт». /рус/.  
22.05 «Телекуррьер-маркет».  
22.10 «Кино SMS со звездами».  
22.15-00.10 «Меркурий в опасности». Х/ф.

## Якшанба

7.25 Кўрсатувлар тартиби.  
7.30, 13.00 «Салом, Тошкент!»  
8.30 Бизнес-Пойтахт».  
8.35 Мумтоз наволар.  
8.45 «Эсмеральда». Т/с 49-қисм.  
9.15, 15.20 «Карвонсарой».  
9.25 «Уйларим».  
9.30 «Пойтахт».  
9.40 Серил: «Зебузар». Т/с 10-қисм.  
10.05 «Саргузаштлар ороли».  
10.30 «Пойтахт». /рус/.  
10.40 «Мысли вслух».  
10.45 Экология «Пойтахт». /рус/.  
10.55 «Афиша».  
11.05 «Интервью».  
11.15 «Антика пойга». Б/ф.  
14.00 «Тошкентда латифа».  
14.05 «Истеъдод».  
14.25 «Таггер». М/ф.  
15.30 «Болаликка қайтиб».  
15.50 «Киммат ва Зумрад». Эртақ фильм.  
16.30 «Самимият ила».  
17.00 «Мона Лиза табассуми». Б/ф.  
18.50, 20.55 «Телекуррьер-маркет».  
18.55 «Нима учун?»  
19.35 «Менинг шахрим».  
20.00 «Кинотакдим».  
20.25 Мумтоз наволар.  
20.30 «Тошкет окшомлари».  
21.00 «Мысли вслух».  
21.05 «Открытая дверь».  
21.35-23.40 «Кино SMS со звездами».  
«Троя».  
«Первый рыцарь».  
«Робин Гуд-принц воров».

Душанба

АЙЁМИНГИЗ МУБОРАК, АЗИЗ АЁЛЛАР!

6.55 Дастурнинг очилиши. 7.00, 14.30 «Салом, ёшлар!» 7.30, 10.30, 16.10 «Даврнинг боласи».

Сешанба

6.55 Дастурнинг очилиши. 7.00, 14.00 «Салом, ёшлар!» 7.30, 13.10, 16.10 «Даврнинг боласи».

10.30 «Шарқ гавҳари». 11.10 «Сайёрамиз кудрати». Х/ф. 12.00 «Туташ тақдирлар».

Чоршанба

6.55 Дастурнинг очилиши. 7.00, 14.00 «Салом, ёшлар!» 7.30, 13.10, 16.10 «Даврнинг боласи».

YOSHLAR

17.00 «Беш қаҳрамон». Б/ф. 18.20 «Ватан меҳри».

Пайшанба

6.55 Дастурнинг очилиши. 7.00, 14.00 «Салом, ёшлар!» 7.30, 13.10, 16.10 «Даврнинг боласи».

21.55 «Телетўхфа». 22.30 Киноклассика: «Онтаро соҳилидаги воқеа».

Жума

6.55 Дастурнинг очилиши. 7.00, 14.00 «Салом, ёшлар!» 7.30, 13.10, 16.10 «Даврнинг боласи».

Шанба

6.55 Дастурнинг очилиши. 7.00, 14.00 «Салом, ёшлар!» 7.30, 13.10, 16.10 «Даврнинг боласи».

9.55, 21.00 «Иқлим». 10.00, 13.00, 16.00, 19.00, 22.00 «ДАВР».

Якшанба

6.55 Дастурнинг очилиши. 7.00 «Назм ва наво».

Душанба

7.00 «Хайрли тонг!» 7.05, 8.25, 19.00, 21.40 Анонс. 7.15, 8.15, 18.45, 21.45 Хабарлар.

Сешанба

7.00 «Хайрли тонг!» 7.05, 8.25, 11.20, 19.00, 22.25, 00.30 Анонс.

Чоршанба

7.00 «Хайрли тонг!» 7.05, 8.25, 11.15, 19.15, 21.40, 00.30 Анонс.

Жума

7.00 «Хайрли тонг!» 7.05, 8.25, 11.20, 19.00, 22.25, 00.30 Анонс.

SPORT

«Фиорентина» - «Бавария». 23.45 Кикбоксинг. Ўзбекистон чемпионати.

Пайшанба

7.00 «Хайрли тонг!» 7.05, 8.25, 11.00, 19.00, 21.40 Анонс.

Шанба

7.00 «Хайрли тонг!» 7.05, 8.25, 11.20, 19.00, 22.25, 00.30 Анонс.

Жума

7.00 «Хайрли тонг!» 7.05, 8.25, 11.00, 19.00, 21.40 Анонс.

Шанба

7.00 «Хайрли тонг!» 7.05, 8.25, 11.20, 19.00, 22.25, 00.30 Анонс.

Жума

11.10 «ГОЛ». 12.10 Велопойга. Париж - Ницца.

Якшанба

7.30 «Хайрли тонг!» 7.35, 12.05, 18.20, 21.25, 00.35 Анонс.

Душанба

07.00, 08.30, 12.00, 17.00 Байрам наволари 08.00, 15.00, 18.30 Серил «Жас-сига ухшаши йук».

Сешанба

07.00, 07.40, 08.30, 13.30, 17.00, 18.10, 19.00, 20.30 Узбек наволари

Чоршанба

07.00, 08.30, 10.30, 13.30, 17.00, 18.00, 19.00, 20.30 Узбек наволари

TV-MARKAZ

Пайшанба

22.00-01.00 «АВСТРАЛИЯ» худ.-фильм

Жума

07.00, 08.30, 10.30, 13.10, 14.30,

Жума

17.00, 18.00, 19.00 Узбек наволари 08.00, 15.00, 18.30 Серил «Жас-сига ухшаши йук».

Жума

18.00 Prime time (рус) 19.00 «Топ-10»



**Холида Очилова:**

лари ҳам борлигини илк бор суҳбатлашганимиздаёқ билиб олгандим. «Холида опани шунинг учун ҳамма яхши кўраркан-да!», — деб ўйлаганман ўшанда...

### Яхшиликдан бошқасини билмайди

Бемор тузалиши учун энг зарур нарса нима? Дори-дармонми? Осойиш-

касалликлари кўпинча нотўғри овқатланиш туфайли келиб чиқади-да.

— Беморларимнинг руҳини кўтарай деб излаб топган ҳикмату ривоятлар бисотимда анча-мунча йиғилиб қолганди, шуларни тўплаб китоб қилдим. «Аёл билан мунаввар олам», «Ўзбекистоннинг шифобахш сабзавот ва полиз экинлари» китоблари бирин-кетин дунё юзини кўрди, — дейди шифокор опамиз.

Холида опа ҳамма вақт ёрдамга шай туради. Фақат ишда эмас, кўча-

учрайди. Холида опанинг фикрича, инсон ҳаммаша ўз иродасига таяниши керак, машаққатларни сабр билан энгишга одатланиши лозим. Ана шунда муаммолар осон ҳал бўлади, ҳаддан ортиқ ғам-алам ва бемаврид стресслар туфайли инсоннинг жони азобда қолмайди.

«Мен машаққатларга билимим ва иродамни қалқон қилдим, фақат илгарига қараб боравердим», — дейди Холида Очилова. Ҳаётидаги қийин дамларда у бир қанча тиббий билимларни ўзлаштирди. Нуқтали массажни ўрган-ди. Фитотерапияни билиб

— Давлатимиз раҳбарининг нутқини эшитиб шунчалик тўлқинланиб кетдимки, буни сўз билан ифодалаб беролмайман. Анжуманда ўтириб ўйладим, авлод баркамоллиги кўп жиҳатдан бизга ҳам боғлиқ экан. Ўсмирларнинг руҳан тетик, жисман соғлом бўлиши учун ҳамма чораларни кўришимиз шарт. Мана мен ҳам онаман, фарзандларим жамият хизматида. Энди уй-жойи бўлак, болаларини ўзлари катта қилсин деб ўтирмайман, аксинча, етти набирамнинг ҳам тарбиясида бошқошман. Зарур бўлса, уларни турли тўгаракларга ўзим етаклаб бораман. Ҳозир қанча кўп билим олса, келажаги шунча ёруғ бўлади.

Холида опа зиёлиларнинг суҳбатини қадрлайди, шундай одамлар йиғилган давраларга интилади. «Билими кўп одам гўё тилла тўла хазинага ўхшайди, уларнинг биттагина маслаҳати ҳам олтинга тенг», — дейди гоҳида. Халқ ичида «Ўрганганинг ўзинга» деган гап бор. Ўрганмоқни истаган киши ўзгалардан қанча нарсани билиб олмасин барибир камдек туюлаверади. Холида опа ҳам шундай. Ўрганиб, ўзлаштириб, изланиб яшайди. Ўрганганларини тиббиётда қўллаб, ўзгалар саломатлигига наф келтиради. Бир неча йилдан буён Холида Очилова «Саломатлик сирлари», «ТВ-шифокор» кўрсатувлари орқали аҳолига тиббий маслаҳатлар беради. Турли касалликлар профилактикасига бағишланган тавсиялари билан матбуотда мунтазам қатнашади.

### Соғлом яшашни истасак...

Халқимиз болажон, уйим-жойим деб куйиб-пишади. Йил бўйи тер тўкиб ишлайди-ю, уйини таъмирлаш ёки тўй ўтказиш керак бўлсагина таътилга чиқади. Нега шундай?

— Ҳар қандай касаллик кучсизланган танага тез ёпишади. Ўзимизни яхши кўрмасак, чарчаган вужудимизга муолажалар орқали қувват ато этмасак, ундаги дард авж олаверади. Касаллик зўрайгандан кейин эса даволаш анча мушкуллашади. Соғлом яшашни истаган одам ўзини қадрлаши зарур, — дейди Холида опа.

Беморларга фақат меҳр билан боқиб, улардан ширин сўзларини аямайдиган бу шифокор барчага «Одамлар, ҳаётини севинг, ҳар лаҳзанинг қадрига етинг, яшамок бизга бир марта берилган имкон» дейтгандек бўлаверади.

Аслида ҳам шундай.

**Гулчеҳра ЖАМИЛОВА,**  
Ўзбекистонда  
хизмат кўрсатган  
журналист

# «Ҳаёт гўзал, уни

# фақат севиши керак!»

Аслида, ҳаммамиз ҳам ҳаётни севамиз. Шу туфайли елиб-югурамиз. Лекин гоҳо ўйлаб қолсан киши. Биз ҳаётни қай даражада севамиз?

Турк ёзувчиси Рауф Денкташнинг «Саодат сирлари» китобида шундай жумлалар бор: «Ҳаёт бошдан оёқ ифода билан ўқиладиган шеър ёки ҳар онда манзараси ўзгариб турувчи тасвирий санъат асари, янаям аниқроғи, ўз ранги ва оҳанглирига эга бўлган борлиқдир!».

Адибнинг таъкидлашича, инсон ўзгаларга муҳаббати туфайли яшаради, дўстлик туйғусидан куч олади, гўзал суҳбатларни тинглаб юксалади. Ҳар юмушни меҳр билан адо этувчи одамгина яшаётганини англайди. Ҳатто очик ҳавода сайр этиш, чанқаганда сув ичиш, уйқуси келса ухлаш, очикқанда тотли таом ейиш, кўнглидаги ҳаяжонини изхор қилиш ҳам яшашдир. Демак, атрофимиздаги табиатга, дардимизга шерик бўлаётган одамларга, гоҳида кайфиятимизга соя солгувчи ғамқайгуларга муносабатимиз қандай яшаётганимизни билдиради. Муҳими, қалбдаги иштиёқ яшаш учун бизга қувват беради.

Тошкент шаҳридаги «Чинобод» санаторийсининг олий тоифали гастроэнтеролог-эндоскописти Холида Очилова ҳаётни борича сеувчи ана шундай инсонлардан бири. Унинг юз-кўзида меҳр балқиб туради. Ширинсуханлиги билан руҳингизга ором бағишлайди. Самимий кулгуси ва қалбидаги ҳароратни бирпасда суҳбатдошига юктиради.

Мен бу аёлнинг илми, фазилатларидан ташқари кўпчилик ибрат олса арзийдиган ажойиб хислат-



таликими? Иккисидан аввалроқ яхши сўз керак. Чунки яхши сўз хаста одамнинг руҳига қувват беради. Қадимги табибларнинг айтишларича, руҳ бардам бўлсагина тана ҳам соғаяди. Холида Очилова қабулига келган беморлар билан суҳбатлашаркан, дастлаб, уларнинг кайфиятини кўтарди, «Албатта тузалиб кетасиз» деб қайта-қайта тасвирлайди.

— Умид ва ишонч беморнинг соғайишини тезлаштиради, — дейди Холида опа.

Дарҳақиқат шундай. Шифокор беморни соғайишига ишонтирса, дардининг элик фоизини даволаган бўлади. Холида опа беморларнинг кайфиятини кўтариш учун онасидан эшитган ривоятлардан айтиб беради, ора-сира фойдали ўсимликларнинг хосиятидан уларни огоҳ этади. Овқатланиш маданиятини ипидан-игнасиғача тушунтиради. Ахир меъда-ичак

кўйида, маҳалла йиғинларида ҳам тиббий маслаҳатлардан одамларни огоҳ этиб боради.

Қадимда бир кишидан сўрашибди: «Нега сизни ҳамма нукул мақтайди, не кароматингиз бор?». Ҳалиги одам эса шундай жавоб берибди: «Ҳеч бир каромат кўрсатишни билмайман. Одамларга яхшилик қилишдан бошқаси кўлимдан келмайди».

Ўйлаб қарасак, яхшиликдан улуғроқ каромат йўқ дунёда!

### Машаққатлар

#### кишини

#### улғайтиради

Киши қандай ният билан яшаса, ҳаёти ҳам шунга мослашади. Тасодифий ғам-ташвишлар олдида эсанкираб, йўлини йўқотувчилар бор. Бирор дардга йўлиқса тушқунликка тушиб ҳаётдан умидини узиб қўйганлар ҳам

олди. Хиромантия (кафт чизиқларини ўқиш) ва рефлексотерапия сирларини эгаллади. Графология (дастхатга қараб руҳий аҳволни аниқлаш) билимини пухта ўзлаштирди. Психиатрия ва психотерапия муолажаларини озми-кўпми ўрганиб олди. Эндилликда бу илмларнинг ҳаммасини инсонлар саломатлигини яхшилашга сарфламоқда.

«Одам машаққатлардан чўчимаслиги керак, чунки уларни энгиш баробарида ўзи ҳам улғаяди, синовлардан ўтгандан сўнг ҳаётга муҳаббати янада ортади», — дейди Холида опа.

### Тилла

#### хазинаси бор

Ўтган йили декабр ойининг бошлари эди. Муҳташам бинода ўтказилган катта йиғиндан қайтгач, Холида опа менга ҳаяжон билан қўнғироқ қилди.

Санаторий Тошкент шаҳридан 65 км. узоқликда жойлашган тоғ-иқлимли курорт. Худуди кенг ўрмонзорлар билан ўралган бўлиб, бу ердан Оқтош ва Айиқсой дарёлари оқиб ўтади.

Даволаш омили — мусалфа тоғ ҳавоси, тошдан-тошга урилиб оқиб ўтадиган дарёлардан келиб чиқадиган табиий гидроланиш бўлиб, нафас аъзолари касалликлари билан хасталанган беморларни даволашда яхши таъсир қилади.

Даволаш учун кўрсатмалар: нафас аъзоларининг туберкулёзга алоқадор бўлмаган касалликлари.

Даволаниш комплекси физиотерапия, сунъий ванналар (игнабаргли, тузли), сауна, парафин ва озекерит билан даволаш, массаж, жисмоний тарбия, парҳезли овқатланишдан иборат.

Ётоқ хоналари шинам безатилган, барча қулайликларга эга, бир-икки ўринли хоналардан иборат.

Сиҳатгоҳда кино залига эга клуб, кутубхона, спорт майдончалари бор. Экскурсиялар ташкил этилади.

Санаторий ҳудудидаги маиший хизмат кўрсатиш хоналари, савдо шохобчалари ва шарқона чойхона Сиҳатинг хизматингизда.

Шифо масканимизга хуш келибсиз!

Манзилимиз: Тошкент вилояти, Бўстонлиқ тумани «Оқтош» қишлоғи.

Телефакс:

8(37074)22983

# «ОҚТОШ САНАТОРИЙСИ»

## масъулияти чекланган жамияти маъмурияти ва касаба уюшма кўмитаси



*Барча опа-сингилларимизни 8 март байрами билан елимий муборакбод этади ва назкур сиҳатгоҳда дам олиб, даволашга тақдир қилади*

## Қорақалпоғистон Республикаси таълим ва фан ходимлари касаба уюшмаси кенгаши

Кенгаш тизимида 1012 та бошланғич, 856 та цех кўмиталари ва 3482 касаба уюшма гуруҳлари фаолият кўрсатмоқда. Таълим ва фан муассасаларида 175 минг 613 нафар касаба уюшма аъзолари меҳнат қилмоқдалар. Шулардан 59 минг 309 нафари аёллардир.

Ҳар йили «Фан билимдони», «Йил тарбиячиси», «Соғломжон — полвонжон», «Ватанимни қуйлайман» ва бошқа кўрик-танловлар Наврўз, Мустақиллик, Конституция куни, Халқаро талабалар куни байрамларига бағишлаб маданий тадбирлар ўтказилиб келинапти. Ушбу маданий тадбирлар учун кенгаш томонидан 38 миллион 973,7 минг сўм маблағ ажратилди.

Масалан, 2009 йилнинг март ойида Нукус шаҳридаги Республика педагог кадрларни қайта тайёрлаш ва малакасини ошириш институти мажлислар залида «Ўзбекистон — Ватаним менинг» шиори остида «Ватанимни қуйлайман» кўрик-танлови ўтказилди. Унинг якуний босқичида 13 та иштирокчи ўз ашулаларини ижро этдилар.

Кенгаш жисмоний тарбия ва спортни ривожлантириш бўйича ҳам бирмунча ишларни амалга оширди. Хусусан, туман ва шаҳарларда спортнинг бешта тури бўйича соҳа ходимларининг спартакиадалари, хотин-қизлар ўртасида спорт мусобақалари ташкил қилинмоқда. Ўтган йили Нукус олимпия захиралари коллежи базасида Халқаро хотин-қизлар куни байрамига бағишланган «Соғлом она — соғлом бола» шиори остида спортнинг шахмат, шашка, стол тенниси, дартс ва енгил атлетика турлари бўйича хотин-қизлар спартакиадаси бўлиб ўтди.

2009 йил «Қишлоқ тараққиёти ва фаровонлиги йили» Давлат дастури ижросини таъминлаш мақсадида ёлғиз, кекса 41 нафар ходимга моддий ёрдам кўрсатилди. Кам таъминланган 516 та оилаларга 17 миллион 740,5 минг сўмлик моддий ёрдам берилди. Қишлоқ жойларида меҳнат қилаётган кам таъминланган оилаларнинг 64 фарзандига ўқув курачлари ва дарсликлар олинди. Шунингдек, қишлоқ жойларидан келиб таҳсил олаётган 2 та талабанинг контракт пулларининг бир қисми тўланди. Касб-хунар коллежларида таҳсил олаётган ўқувчилар учун 10 та стипендия ташкил қилиниб, унга 3 миллион 454,9 минг сўм маблағ ажратилди. Тармоқ ходимларининг 410 нафар фарзанди ҳамда 120 нафар Хўжайли Меҳрибонлик уйи тарбияланувчиси Тошкент вилояти болалар соғломлаштириш оромгоҳларига берил юборилди.

Санаторий-курортларда 480, республика педагог кадрларни қайта тайёрлаш ва малакасини ошириш институти профилакторийсида 350 ва Авланий номидagi педагог кадрларни қайта тайёрлаш ва малакасини ошириш Марказий институти профилакторийсида 96 нафар ходим соғломлаштирилди.

Мамлакатимиз хотин-қизларини анъанавий байрам билан қутлайди.

Ҳаммангизга баҳорий кайфият,  
бахт-саодат, Ватан фаровонлиги  
йўлидаги ишларингизда катта  
муваффақиятлар тилаймиз!

# Садоқатли дўст



— Қахатчилик йилларида Шўртепа даштидан тутган тўнғизни Марғилондаги заводда ишлайдиган мужикларга сотиб, жўхори олиб келаётгандим, — дея ҳикоя қилганди бир сафар от ҳақида гап кетганда Каримжон бобом. — Йўлда юриш хавфли, қароқчилар кўпайган, лекин мен ҳам ўзимга ишонганлардан эдим. Икки-уч одамнинг танобини тортиб қўйиш қўлимдан келарди. Қарасам, қуёш оғиб кечга қоладиганман. От бошини катта йўл қолиб, чўл орқали ўтган яқин сўқмоққа бурдим. Икки қумтепа орасидан ўтаётганимда тарвақайлаб кетган юлғун панасидан милтиқли одам чиқиб, йўлимни тўсди.

— Отдан туш, манзилга етиб келдинг. Энди отинг ҳам, хуржундаги юкинг ҳам бизники, ўзинг нариги дунёга кетсан, — деди дағдага билан.

Йўқ десам, қўлида милтиқ, тўғри, эгарим қошида қайрағочдан ясалган таёқ бор. Аммо уни ишлатишга улгурмайман.

— Тушолмайман, оёғим шол, — дедим баҳона қилиб.

— Иштондан умид қилма, Тоштан, — дея юлғун панасидан иккинчи қароқчи тиржайиб гап қўшди.

— Алдама. Отга қандай миндинг? Каллангни икки паллага бўлиб ташлайман! — қароқчи милтиқ оғзини бошимга қаратиб дўқ урди.

— Отим хуркак. Ёнбошга тепади. Сал нари турунлар, ўзим тушаман, — дедим уларга ён бергандай.

Узангини «ногирон» оёғимга тўғрилаш учун пича эгилгандай бўлиб, от қулоғига «ўзингни кўрсат, қочиб қутулишимиз керак» деб шивирладим ва ўнг оёғим билан жониворнинг биқинига ниқтадим. Шунда мўъжиза рўй берди. От гавдаси билан биз томонга эгилган қароқчинини туртиб йиқитди-ю олдинга ўқдек учди. Иккинчи қароқчи отган ўқ қулоғим остидан визиллаб учиб ўтди. У милтиқни иккинчи бор ўқлаб пилтасини туташтиргунча биз олислаб кетдик. Дулдулим шу тарика мени нақд ўлимдан қутқариб қолган эди.

## Қашқирлар доғда қолди

— Бу воқеа ҳам ана шу

қахатчилик даврида юз берган эди, — дея ҳикоясини давом эттиради бобом. — Аксига олиб, ҳамиша тўлиб-тошиб оқадиған Қорадарё ҳам жилдираб қолди. Сув бўлмагач экин битармиди! Тирикчилик оғирлашди. Ўт-ўланнинг баракаси йўқлигидан уй ҳайвонларининг эти суюкка ёпишган, қозон қайнатиш қийинлашиб қолган эди. Шунда Ойдинкўл тарафда қирғовул кўпайди деган гап қулоғимга чалинди. Эрта тонгда ўша ёққа йўл олдим. Ойдинкўлга етгач, қирғовул пешиндан кейин кўзга кўринади деган гап эсимга тушди ва отни тушовлаб, қурғоқчиликдан қовжираб қолган ажриқзорда уйкуга кетдим. Қирғовул қағиллашидан уйғондим. Қарасам, кун анча оғиб қолган, қорним дўмбира чалаётган экан. Уйдан келтирган зоғорани еган бўлдим-да, ўт-ўлан орасида юрган қирғовулларни туттишга тушдим. Қирғовул анча фаросатсиз қуш. Қувсангиз бошини пангага тикиб олади-да, ўзича яширинган бўлади. Хуллас, ўндан ортиқ қушни хуржунга жойладим. Овга берилиб кетиб куннинг кеч бўлганини сезмабман. Уй томон йўлга тушдим.

Шу чоғ ит ириллашига ўхшаш ёқимсиз товуш қулоғимга чалинди. Ортимга қарасам, бир неча кулранг бўри ўт-ўлан оралаб от томон келишарди.

Кўп ўтмай махлуқлар ўндан ортиб, тўдага айланганини кўриб юрагимни ваҳима босди. Бўрилар пўписасидан дулдулнинг ўсиқ ёллари ҳам тиканакка айланди. Калтакни кўтариб бўриларни ҳарчанд ҳайдашга ҳаракат қилмай, баттар отга қараб тишларини қайрашди. Чамаси, хуржундан чиқаётган қон хиди уларнинг иштаҳасини кўзгарди.

Юлғун таёқни силтаб бўриларни ҳайдамайин, пўписамни назарга илмай қўйишди. Улар орасида гавдаси йирик бўри таёғимни тишлашга, мен эса узанги билан тумшугига тепишга уринардим.

Энди ҳалиги кўк ёлли ваҳший ён тарафдан келиш иш бермаслигини сезиб, орқадан ҳужумга ўтди, от думини

тишлашга урина бошлади. Кутилмаганда дулдулим кишнаган бўлди-ю, орқа оёқлари билан тепага қараб сапчиди ва нимадир қарсиллагандай туюлди. Ўгирилиб қарасам, бояги бўри оёғи осмондан келиб типирчилаётган экан. От сапчиганда уни чунонам тепган эканки, ваҳший зарбадан ағдарилиб тушибди. Сардориға берилган зарба ибрат бўлди чамаси, бўрилар ҳам ортимиздан эргашмади. Сал ўтмай йўлга чиқиб олдик.

## Мотамсаролик

Бу воқеани асли ўзганлик, кейинчалик тақдир тақозоси билан Наманганга келиб қолган Эргаш Ҳасанов айтиб берганди.

— Отнинг инсонга бунчалик меҳри ва садоқатини ақлга сиғдириб бўлмайди, — деганди у. — Уруш йиллари, биз бола эдик. Раисимиз Баҳодир ака эрта-кеч отда дала айланарди. Бир оёғи оқсоқлигидан армияга олишмаганди. Уруш тугашига бир йил қолганда миясига қон қуюлиб, хушидан кетиб қолибди. Одамлар уни даладан аравага юклаб олиб келишди. От жонивор эса арава ортидан эргашади. Аввалига унга эътибор беришмади, одамга ўрганганидан шундай қилаяпти-да, деб ўйлашди. Қарашса, от олдидаги бедага қараб ҳам қўймасмиш. Бўйнига осилган арпа шундайлигича қолармиш.

Эртасига раис ўзига келмай вафот этибди. От алланарсадан хурккандек ҳадеб кишнайвергач, устунга боғланган арғамчини бўшатиб қўйишибди. Майитни тобутга солиб кетишаётганида одамлар ортидан от ҳам эргашибди.

Раисни тупроққа қўйиб қайтишгунча бошини қуйи солганча қабристон четида турибди. Йиғилганлар тарқалса ҳам у шу қуйи тун бўйи қабр ёнида қолиб кетибди.

— Тегманглар, эгасига аза тутаяпти, — дебди отнинг ҳолатини кўрган қишлоқ оқсоқоли Ҳалим бува.

Шу кўйи от овқат емабди. Охири ўлибди.

Обиджон  
ЖУМАНАЗАРОВ

## Қадрият

Қарши даштини ўзлаштириш қалдирғочларидан бири Бекмурод Имомов ашаддий от ишқибозларидан эди. Унинг учқур тулпорлари катта кўпқариларда соврин олиб чиққан.


— Вилоятнинг чавандозлик мусобақаларида Бекмурод ака давра боши сифатида қатнашарди, — дея хотирлайди миллий кураш бўйича бир неча бор Ўзбекистон чемпиони Жобир полвон Язданов. — Ўзи Нишон туманидаги Ойдинобод хўжалигига раҳбарлик қилса ҳам Пўлати кенгликларида Бекмурод полвоннинг зотдор бедовлари боқиларди. Дўстимиз ташаббуси билан туманда Наврўз ва Ҳосил байрамлари кўпқарисиз ўтмайдиган бўлди.

Яхшидан ном қолади, дейдилар. Имомовлар сулоласи бошлаган эзгу ишларни бугунги кунда унинг авлодлари давом эттирмоқда.

Ана шулардан бири косонлик машҳур чавандоз Чори Каримовнинг набираси Обиджон Чориевдир.

Ёш Обиджон Косон туманида Бобур номидаги отчилик фермер хўжалиги ташкил этиб, 200 дан ортиқ зотдор насли жониворларни кўпайтиряпти.

## От кишнаган оқшомлар...



Ўзининг улоқчи отлари билан Қашқадарёга танилган Обиджон Чориев истеъдодли ёзувчи Тоғай Мурод асарларини севиб ўқийди, чавандозлар ҳаёти тасвирланган кинофильмларни қизиқиб томоша қилади.

— Оти борнинг қаноти бор, — дейди ёш чавандоз кенг адирларда ўйноқлаб юрган йилқи уюрига тикилиб. — Бизнинг авлод Алпомишнинг Бойчибори, Гўрўғлининг Фирқўки ҳақидаги дostonларни тинглаб, ўқиб катта бўлган. Шунинг учун фарзандларимда ҳам отга ишқибозлик баланд.

Қашқадарёнинг бутун мамлакатга танилган машҳур чавандозлари Элмурод ва Урал чавогонлар ёрдамида хўжалигида зотдор бедовларни тўплаган.

Унинг «Кезар», «Корабл», «Рокки», «Юлдуз», «Тарлон», «Тўриқ», «Молбора», «Мустанг», «Карол», «Рембо», «Тайсон» лақабли отларини минган чавандозлар кўпқаридан зотсиз чиқмаганлар.

— Мустақиллик туфайли бошқа миллий қадриятларимиз қатори кўпқари ҳам оёққа турди, — дейди Хўжақўргон қишлоғида яшовчи 74 ёшли кекса чорвадор Шоймардон бобо Муродов. — От спорти йигитларни мард, жасур ва баҳодир этиб тарбиялайди.

От боқишнинг ўзига яраша гашти ва машаққати бор.

Айни пайтда воҳада минглаб ёшлар чавандозлик билан шуғулланиб, ота-боболари қадриятларини давом эттирмоқда. Шоир айтганидек:

От кишнаган оқшомлар,  
Унутилмас бу дамлар.  
Тулпорга қамчи босинг,  
Кўпқарига, одамлар!

Кенг майдонда отлар дупури ва кишнаши, томошабин қийқириғи ва чапаги чавандозни руҳлантиради, куч-қувват бағишлайди.

Иззат ҲИҚМАТОВ,  
«Ishonch»нинг жамоатчи муҳбири

# Ўзбекистон таълим ва фан ходимлари касаба уюшмаси

## Марказий кенгаши



**Мамлакатимиз хотин-қизларининг 8 март байрамини бийлаш чини дарадан табриклийдимиз.**

**Ҳаёт рамзи шалола, башар рамзи онадир,  
Муҳаббатда вафодор Лайли бўлиб ёнадир.**

**Токи куйлаб яшамоқ мангу аҳдим, Аёллар,  
Ушбу камтарин дилсўз сизга мадҳим, Аёллар!**

Тармоқда 1 млн. 200 минг нафардан ортиқ хотин-қизларнинг саломатлиги, маънавий олами-ни бойитиш, руҳан қўллаб-қувватлаш, маданий ҳордиқ чиқариш ишлари юзасидан кўпдан-кўп тадбирлар амалга оширилмоқда.

Марказий кенгаш Халқ таълими ҳамда Олий ва ўрта махсус таълим вазирликлари, Республика ўрта махсус, касб-хунар таълими Маркази билан ҳамкорликда Президентимизнинг «Ўзбекистон хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида»ги қароридан келиб чиққан ҳолда уларнинг ижтимоий-иқтисодий, ҳуқуқий ва касбий кафолатларини таъминлаш, маданий-маърифий ва жисмоний тарбия ҳамда спорт ишлари бўйича бирмунча ишларни амалга оширди.

Ўтган йилнинг ўзида жамоа келишувлари ва шартномалари орқали 19 минг 372 нафар қишлоқ жойларида истиқомат қиладиган кам таъминланган, кўп болали оила аъзоларига, уруш ва меҳнат фахрийларига моддий ёрдам кўрсатилди. 475 нафар қишлоқ жойларда яшайдиган ишловчи аёлга бериладиган туғиш-гача ва туғишдан кейинги ҳақ тўланадиган таътиллар куни узайтирилди ва бунга иш берувчилар ҳисобидан 12 млн. 251,2 минг сўм маблағ ажратилди. Шунингдек, 3072 нафар фарзандлари 2 ёшдан 3 ёшга тўлгунга

қадар бўлган онага 89 млн. 515,5 минг сўм моддий ёрдам кўрсатилди. 18 нафар ходимга мамлакатимизда ишлаб чиқарилган, узоқ муддат фойдаланиладиган товарлар, шунингдек, уй-жой қурилиши учун қишлоқ жойларида истиқомат қиладиган ходимларга фоизсиз ссудалар берилди, ҳудудий кенгашлар томонидан 38 та олий ўқув юртлирида қишлоқ жойларидан келиб ўқиётган 131 нафар (Марказий кенгаш ҳисобидан эса 39 та) ота-онасиз, етим талабага контракт пулларининг бир қисми тўланди. 10 минг нафардан ортиқ қишлоқ жойларида яшайдиган кам таъминланган оиланинг фарзандларига ўқув қуроллари, дарсликлар харид қилиш харажатлари қисман қопланди. Қишлоқ жойларида истиқомат қиладиган 8065 оила фарзандлари учун болалар соғломлаштириш оромгоҳларига ҳамда 513 нафар меҳнат қилаётган ходимларга санаторий йўлланмалари қиймати тўлиқ қопланди.

Наврўз байрами арафасида Марказий кенгаш ва Олий ва ўрта махсус таълим вазирлиги, Республика ўрта махсус касб-хунар таълими Маркази ҳамда «Меҳрмурувват» фонди билан ҳамкорликда касб-хунар коллежларининг ўқувчи қизлари ўртасида «Наврўз ва қадриятлар» кўрик-танлови ўтказилди. Марказий кенгаш томонидан танлов ғолибига рангли телевизор совға қилинди. Халқ таълими вазирлиги

томонидан ташкил этилган «Йил тарбиячиси» кўрик-танловининг 3 нафар ғолибига эса Марказий кенгашнинг эсдалик совғалари топширилди.

Таълим ва фан ходимлари касаба уюшмаси Қорақалпоғистон Республикаси, Қашқадарё, Бухоро, Хоразм, Фарғона, Тошкент вилоятлари кенгашлари, Ўзбекистон Республикаси Фанлар академияси бирлашган касаба уюшмаси кўмитаси томонидан «Соғлом оила», «Она соғлиги — фарзанд бойлиги» шiorлари остида хотин-қизлар спартакиадалари, оилавий спорт мусобақалари ўтказилди. Ҳудудий ва вилоят босқичларида 5 минг нафардан ортиқ хотин-қизлар қатнашганлиги эса тармоқда жисмоний тарбия ва спортга қай даражада аҳамият берилаётганига ёрқин мисол бўла олади.

Яна бир муҳим жиҳат, бу таълим ва илмий муассасаларда меҳнат қилаётган хотин-қизларнинг ижтимоий-иқтисодий, ҳуқуқий ва интеллектуал манфаатларини ҳимоя қилиш масалаларига оғишмай эътиборда бўлиб келинаётганлигидир.

Хусусан, Фанлар академиясининг Фалсафа ва ҳуқуқ ҳамда Тарих институтлари маъмуриятлари, Олий ва ўрта махсус таълим вазирлиги Касб-хунар таълимини ривожлантириш Маркази, «Оила» илмий-амалий маркази ҳамда Фанлар академияси бирлашган касаба уюшмаси кўмитаси томонидан «Аёлларни камситишга

қарши курашнинг сиёсий-ҳуқуқий, маънавий-психологик муаммолари» мавзусида конференция ўтказилди. Андижон, Наманган, Қашқадарё, Фарғона, Бухоро, Сурхондарё, Жиззах вилоятлари кенгашлари билан худудий бошқармалар, хотин-қизлар кўмиталари, «Маҳалла» жамғармаси ҳамкорлигида «Жамиятда аёл мавқеи», «Диний ақидапарастлик, гиёҳвандлик, ОИТСга қарши кураш — давр талаби», «Она борки, олам мунаввар», «Аёлларни эъзозлаймиз», «Она алласи» мавзуларида маданий-маърифий тадбирлар, кўрик-танловлар ташкил қилинди.

Ўтган йили таълим муассасалари хотин-қизлари томонидан тармоқ касаба уюшма ташкилотларига 169 та ёзма ва оғзаки мурожаатлар қилиниб, уларнинг аксарияти ижобий ҳал қилинмоқда.

Ҳозирги кунда таълим ва илмий муассасаларда маъмурият ва касаба уюшма ташкилотлари томонидан хотин-қизларни тиббий кўриқдан ўтказиш, уларга қулай меҳнат шароитларини яратиш борасида фаолият олиб борилмоқда.

Марказий кенгаш ва барча бўғин тармоқ касаба уюшма ташкилотларида «Баркамол авлод йили» Давлат дастуридан келиб чиққан ҳолда турли кўрик-танловлар, оилавий спорт тадбирлари, давра суҳбатлари, учрашувлар ташкил қилиш режалаштирилмоқда.

◆ Белбоғли кураш



Ўзбек кураши жаҳон кезади

Ўзбекистон белбоғли кураш федерацияси ташкил топгандан буён сезиларли ишлар амалга оширилди. Қитъа ва жаҳон ареналарида курашимиз тобора оммалашиб, дунёнинг кўпгина давлатларида шу номда федерациялар фаолият юрота бошлади. Ўзбекистон Белбоғли кураш федерацияси президенти Рустам Исоқов бу ҳақда шундай дейди:

— Шунинг билан таъкидлаш лозимки, 2009 йил Маданият ва спорт ишлари вазирлигининг тақвим режасида кўрсатилган барча мусобақаларимиз белгиланган тартибда юқори савияда ташкил этилди. Масалан, Ўзбекистон анъанавий спорт турлари бўйича Бутунжаҳон 4-фестивали бўлиб ўтганидан хабарингиз бор, албатта. Мазкур фестивал доирасида Юнеско халқаро ташкилоти раҳнамолигида белбоғли кураш бўйича жаҳон ва Осиё чемпионатлари юқори савияда ташкил этилди. Шуниси диққатга сазоворки, хорижлик полвонлар Бош майдонимиз — Мустақиллик майдонидаги Бахтиёр она монументи пойига гулчамбарлар қўйиб, ҳурмат бажо келтиришди. Бундан ташқари, пойтахтимиздаги Абдулла Қодирий номидаги маданият ва истироҳат боғида «Биз дунёни кўкаламзорлаштирамиз» шиори остида манзарали дарахт кўчатлари ўтказилиб, Тошкент шаҳрининг 2200 йиллиги муносабати билан ёдгорлик ўрнатилди. Меҳмонлар Меҳрибонлик уйлари тарбияланувчилари иштирокида «Олимпия шон-шўхрати» музейи ҳудудида бўлиб ўтган «Белбоғли кураш — соғлом турмуш тарзи учун» шиори остидаги Олимпия мили югуриш акциясида ҳам иштирок этдилар.



23 октябр куни Тошкент шаҳридаги «Le Grande Plaza» меҳмонхонасида мазкур жаҳон ва Осиё чемпионати доирасида белбоғли кураш тарихида муҳим воқеа содир бўлди. Дунёнинг ўттиздан ортиқ давлатидан келган олимлар иштирокида илмий конференция ўтказилди. Бундан ташқари, белбоғли курашнинг эркин, классик ва миллий йўналишлари бўйича жаҳон чемпионатлари, Фахрий спорт усталари ўртасида жаҳон чемпионати, белбоғли курашнинг эркин ва классик йўналишлари бўйича Осиё чемпионати, ўсмирлар ва қизлар ўртасида Осиё чемпионати мусобақалари ташкил этилиб, ушбу мусобақаларда 50 дан ортиқ давлат вакиллари голиблик учун кураш олиб бордилар.

Миллий терма жамоамиз аъзолари 28 октябр — 8 ноябр кунлари Вьетнамда ёпиқ иншоотларда ўтказилган Осиё ўйинлари дастурига киритилган белбоғли кураш беллашувларида 6 та олтин, 3 та кумуш, 2 та бронза медалини қўлга киритишди ва 12 та мамлакат вакиллари иштирок этган мазкур мусобақада миллий терма жамоамиз биринчи погонани банд этди.

— **Мазкур спорт турига ёшларнинг қизиқиши қандай, вилоятлардаги аҳволдан қониқиш ҳосил қилиш мумкинми?**

— Мамлакатимиз азал-азалдан полвонлар юрти ҳисобланиб келган. Шундай экан, юртимизнинг ҳар бир гўшасида кураш ривожланмаганлиги мумкин эмас. Бухоро, Самарқанд, Хоразм, Жиззах, Сурхондарё вилоятлари федерациялари янги ташкил этилишига қарамай совриндор спортчиларнинг етишиб чиқиши кишини қувонтиради.

Белбоғли курашнинг тез оммавийлашиб боришида уч босқичли спорт ўйинлари «Умид ниҳоллари», «Баркамол авлод» ва «Универсиада» каби спорт тадбирларининг ўрни бекиёс. Ана шу спорт анжуманларининг шарофати билан республикамизнинг барча жойларида белбоғли курашни баравар ривожлантириш имкониятига эга бўлди.

— **Дарвоқе, «Универсиада — 2010» анжумани дастуридан белбоғли кураш ҳам жой олган. Унга тайёргарлик ишлари қандай кетаяпти?**

— Албатта, Универсиада мусобақалари олтидан турли ўқув-машгулот йиғинлари ўтказилади. Бу борада вилоят терма жамоаларига яқиндан ёрдам кўрсатиб келаяпмиз. Ушбу анжуманда белбоғли кураш бўйича 66 кг., 81 кг., 90 кг. ва + 90 кг. вазн тоифасида беллашувлар ўтказилади. 16 та жамоадан ҳар бир вазн бўйича тўрт нафардан спортчи голиблик учун курашади.

Нарзулла МАХАМОВ,  
«Ishonch» муҳбири

◆ Теннис

Сабинанинг омадли юриши



Бангладешнинг Ражшахи шаҳрида Халқаро теннис федерацияси томонидан (ITF) ўсмирлар ўртасида ўтказилган халқаро теннис турнирида бош совринга эгалик қилган Сабина Шариповага Дак-

кадаги мусобақа ҳам омад билан бошланди.

Спортчимиз ўндан ортиқ давлат спортчилари иштирок этаётган яккалик беллашувларида илк учрашувда Ҳиндистон вакиласи Санситха Нандакумарга қарши кортга чиқди ва 6:0, 6:1 ҳисоби билан рақибини мағлуб этди.

Турнирнинг иккинчи давра-

сида теннисчимизга индонезиялик Синтия Мелита рўбарў келди. Бу баҳсда ҳам С. Шарипова 7:5, 6:2 ҳисоби билан ғалаба қозонди. Навбатдаги беллашувда спортчимиз чорак финалга чиқиш учун учинчи рақамда сараланган Ҳиндистонлик Анкита Райна билан кортга чиқди.

◆ Кикбоксинг



Кучлилар беллашди

1-3 март кунлари пойтахтимиздаги «Жар» спорт соғломлаштириш мажмуида кикбоксинг бўйича Ўзбекистон чемпионати бўлиб ўтди. Маданият ва спорт ишлари вазирлиги ҳамда Шарқ яқкурашлари ва жанг санъати маркази, шунингдек, бошқа ҳомий ташкилотлар билан ҳамкорликда ташкил этилган мазкур беллашувда вилоятлар, Қорақалпоғистон Республикаси ва Тошкент шаҳри спортчилари ўзаро куч синашдилар. 16, 17, 18 ёшгача ва 18 ёшдан 35 ёшгача бўлган спортчилар учта — Лоуик, К-1 ҳамда Семе-контакт йўналишларида рингга чиқишди.

◆ Футбол

Ҳакамлар бригадаси маълум

«Ал-Ваҳда» — «Бунёдкор» беллашувини бошқарадиган ҳакамлар бригадаси маълум бўлди.

Бош ҳакам қатарлик 40 ёшли Абдуллоҳ Муҳаммад Балидех. Унга ватандошлари бевосита ёрдам беришади.

Эслатиб ўтамиз, «Ал-Ваҳда» — «Бунёдкор» учрашуви 9 март куни БАА пойтахти Абу-Даби шаҳридаги «Ал-Нахиан» стадионида Тошкент вақти билан соат 20:20да бошланади. Мазкур баҳс «Спорт» телеканали ҳамда «Машъал» радиоканали орқали жонли эфирга узатилиши режалаштирилган.



◆ Мини футбол

Вакилларимиз халқаро турнирда

Осиё чемпионати пухта тайёргарлик кўраётган Ўзбекистон терма жамоаси жорий йилнинг 8-10 апрел кунлари Таиландда уюштирилган нуфузли халқаро турнирда иштирок этади. Бир даврли тизимда ўтказиладиган мусобақада вакилларимиз Таиланд, Эрон ҳамда Аргентина терма жамоалари билан куч синашади.

◆ Шахмат

Марат Жумаевда етти очко



Эроннинг Машҳад шаҳрида бўлиб ўтаётган «Fajr Open — 2010» халқаро турнирида икки юз нафар шахматчилар сафида дона сурган ҳамюртимиз Марат Жумаев мусобақани муваффақиятли якунлади. Малакали шахматчимиз мезбонлардан Р. Исозоий, Ҳ. Аббосий, А. Обидий, С. Маҳмудий, Ҳ. Шофайи ҳамда Р. Маҳимийни мағлуб этиб, Ҳ. Аббасифар, М. Маҳдавирод билан дуранг ўйнади ва етти очко жамғарди.

Пешқадамлар беллашуви

**Шахмат бўйича ўн икки ва ўн саккиз ёшгача бўлган ўғил-қизлар ўртасидаги Ўзбекистон чемпионатининг тўртинчи турида мағлубиятсиз ўйнаётган пешқадамлар ўзаро куч синашди.**

Ўн икки ёшгача бўлган қизлар мусобақасида турнир марказий учрашуви фарғоналик Гулрухбегим Тоҳиржонова ҳамда Қорақалпоғистон Республикаси шарафини ҳимоя қилаётган Салби Какишева ўртасида бўлди. Қизгин курашлар остида ўтган партияда фарғоналик шахматчининг қўли банд келди ва у очко йўқотмаган ягона иштирокчи сифатида биринчи ўринга кўтарилди. Пойтахтлик Комила Собирова ва сурхондарёлик Сурайё

Маманова дуранг ўйнади. Шунингдек, самарқандлик Зебо Усмонова ҳамда қорақалпоғистонлик Бибисора Қосимбекова ҳам навбатдаги ғалабадан сўнг совринли ўринларга даъвогарлик қилмоқда.

Ўғил болалар ўртасидаги энг қизиқарли учрашув Тошкент вилояти вакили Ҳамид Эгамов ва тошкентлик Ортиқ Нейматов ўртасида бўлди. Партияни ўз фойдасига ҳал қилган Ҳ.Эгамов тўрт очко билан биринчи ўринга кўтарилди. Мезбон шахматчи Шаварш Бадалян ҳам ўз ҳамшаҳри Беҳзод Қудратовни мот қилиб, кетма-кет тўртинчи ғалабасини нишонлади. Уч яримтадан очко жамғарган самарқандлик — Яшин Хурсандов ва Армен Арутюнян ҳам медал-

лар учун курашмоқда.

Ўн саккиз ёшгача бўлган ўсмирлардан пойтахтлик Талгат Губайдулин биринчи ўринда бораётган бухоролик Равшан Ҳамроевни мағлуб этиб, яқка пешқадамга айланди. Мезбонлар — Никита Хорошев сурхондарёлик Бобур Сатторовни, Улугбек Тиллаев Тошкент вилояти вакили Иззатулла Султоновни энгиб, уч яримтадан очко жамғарди.

Қизлар баҳсида чемпионатда етакчилик қилаётган сирдарёлик Сарвиноз Қурбонбоева ва самарқандлик Фариди Хурсанова ўзаро дуранг ўйнади. Пойтахтлик Наталья Ким эса навбатдаги ғалабадан сўнг очколар бўйича пешқадамларга етиб олди.

Зоҳир  
ТОШХҲАЕВ

Бу ҳақда Вазирлар Маҳкамаси мажлисида гапирилган эди

# Аҳоли бўш пул маблағларини

омонатларга кенг жалб қилиш Ипотека  
банкнинг Бухоро вилоят филиали  
мижозларини кредитлаш имкониятини оширди



«Фақат ўтган йилнинг ўзида аҳоли омонатлари миқдори 1,7 баробарга ошди» дейилади Юртбошимизнинг 2009 йилнинг асосий яқули ва 2010 йилда Ўзбекистонни ижтимоий-иқтисодий ривожлантиришнинг энг муҳим устувор йўналишларига бағишланган Вазирлар Маҳкамасининг мажлисидаги маърузасида.

Ҳақиқатан ҳам 2009 йил ҳукуматимиз томонидан қабул қилинган Инқирозга қарши кураш дастури инқироз таъсирини юмшатиш ва бартараф этишда катта аҳамият касб этди. Айниқса, молия-банк тизимига алоҳида эътибор қаратилганлиги айни муддао бўлди. Буни Ипотека банк Бухоро вилоят филиали мисолида ҳам кўришимиз мумкин.

Мазкур банкнинг 2010 йил 1 январ ҳолатида аҳоли омонатлари 3 миллиард 562,5 миллион сўмга етди. Ваҳоланки, 2008 йил ушбу рақам 1 миллиард 473,7 миллион сўмни ташкил этган эди. Аниқроқ қилиб айтганда, ўтган йилда ўсиш 2 миллиард сўмдан ошиб, 41,7 фоизга ошди.

Ҳўш, бундай муваффақиятларга қандай эришилди? Биринчидан, мижозлар манфаатини ўйлаган ҳолда юқори фоизли омонат турлари кўпайтирилди. Уларнинг рекламаси вилоят матбуоти ва телевидениесида бериб борилди. Энг муҳими, омонатчиларнинг биринчи талабидеяк банкка қўйилган пул ва унинг фоизи қайтарилиб, уларнинг ишончи қозонилди.

Аҳоли бўш пул маблағларини депозитларга кенг жалб қилиш филиалда мижозларни кредитлаш имкониятларини

оширди. Биргина ўтган йил давомида жами 4 миллиард 738,2 миллион сўмлик кредитлар ажратилгани фикримизни тасдиқлаб турибди. Натيجада, 300 га яқин янги иш ўринлари яратилди.

— Уй-жой сотиб олишни ипотека кредити билан молиялаштириш дунёда кенг тарқалган ва турар-жой қурилишига инвестиция йўналтиришнинг энг ишончли ҳамда классик йўлларида биридир, — дейди филиал бошқарувчиси Улуғбек Шукуров. — Чунки ипотека кредитлари биринчидан, аҳолининг турар-жой шароитини яхшилайти, иккинчидан, молия муассасаси учун яхшигина даромад олиш манбаи. Учунчидан, бу жараён қурилиш ва қурилиш ашёлари ташкилотларининг маҳсулот ишлаб чиқаришини ритмик тарзда кўпайтириб, давлатнинг иқтисодий ўсиши, янги иш ўринларининг яратилиши ва аҳоли даромадларининг ошишига олиб келади. Биз Президентимизнинг ёш оилаларни қўллаб-қувватлаш Фармонлари бўйича ўз вазифамиздан келиб чиқиб анча ишларни амалга оширдик. Бултур Бухоро шаҳар А.Навой шох кўчасида қурилган 64 хонадонли кўп қаватли турар-жой биноси ёш оилаларга имтиёзли ипотека кредити маблағлари ҳисобидан сотилди. Бунга банк томонидан 1 миллиард 314 миллион сўм сарфланди.

Вилоятда ёш оилаларни уй-жой билан таъминлашда «Ипотека кредитларини беришни қўллаб-қувватлаш жамғармаси» маблағлари ҳисобидан 57 нафар ҳамда банкнинг ўз маблағлари ҳисобидан 7 нафар ёш

оилага имтиёзли шартлар асосида ипотека кредитлар ажратилди.

— Мустақиллик йилларида Президентимиз ва ҳукуматимиз томонидан ёшларга жуда катта эътибор берилди. 2008 йилнинг «Ёшлар йили», 2010 йилнинг «Баркамол авлод йили» деб эълон қилиниши фикримизни яққол тасдиқлайди, — дейди ёш оила соҳибни Абдулло Нуруллаев. — Мен ана шу ғамхўрликдан фойдаланиб, ўтган йили юқоридаги қуриб битказилган янги уйдан битта хонадонни кредит ҳисобига сотиб олдим.

— Мен ҳам уй сотиб олиш учун маблағим етмаганлиги сабабли бултур Ипотека банк Бухоро вилоят филиалига мурожаат қилдим, — дея сўхбатга қўшилди Аъзам Рўзиев. — Банк маъмурияти ва мутахассисларига раҳмат. Керакли ҳужжатларни расмийлаштиргач, 21 миллион сўм кредит ажратилди.

Маълумки, ёш оила қурилгандан сўнг ҳар хил муаммолар туғилади. Уларнинг бири уй сотиб олишга қийналса, турар-жойи борлари ойлигидан орттириб уй-рўзғор буюмларини сотиб ололмайди. Буни ўз вақтида англаган филиал мутасаддилари ёш оилаларни истеъмол кредити билан таъминлашга ҳам ўз ҳиссаларини қўшишди. Яъни 18 нафар кишига 49,3 миллион сўм қарз берилди. 23 та ёш оила эса микрокредит олишга муваффақ бўлди. Масалан, Сураббек Ниёзов 3 йил муддатга йиллик 14 фоиз устама ҳақи тўлаш шарти билан 3 миллион 300 минг сўм қарз олди. Ушбу маблағ ҳисобидан телевизор, музлатгич ва кондиционерга эга бўлди.

Ўзбекистон Республикаси Президентининг 2006 йил 23 мартдаги «Шахсий ёрдамчи, деҳқон ва фермер хўжалиқларида чорва молларини кўпайтиришни рағбатлантириш чора-тадбирлари тўғрисида»ги қарори бўйича ҳам филиалда бир мунча ишлар қилинди. Бу соҳага 124,6 миллион сўм маблағ йўналтирилди. Бунинг оқибатида вилоятдаги 52 нафар киши ўзининг чорва молларига эга бўлди ва оилавий иқтисодини мустаҳкамлаб олди. Умуман олганда, ўтган йили мазкур банк томонидан ажратилган кредитнинг асосий қисми ёш оилаларни қўллаб-қувватлашга, савдо ва саноатни ривожлантиришга йўналтирилди.

Фулom ЮСУПОВ,  
«Ishonch» мухбири



oliy baxt

**МУАССИС:**  
Ўзбекистон касаба  
уюшмалари  
Федерацияси

**Бош муҳаррир**  
**Абдуҳолик**  
**АБДУРАЗЗОҚОВ**

**Таҳрир хайъати:**

**Алла Долженкова,**  
**Анвар Юнусов,**  
**Довуд Мадиев**  
(Бош муҳаррир ўринбосари),  
**Жаҳонгир Шарофбоев**  
(масъул котиб),  
**Маъмура Адилова,**  
**Мирзоҳид Содиқов,**  
**Нормамат Аллаёров,**  
**Носирхон Акбаров,**  
**Ойсулув Нафасова,**  
**Пиримқул Қодиров,**  
**Соғиндиқ Ниетуллаев,**  
**Шамси Эсонбоев**

**Бизга кўнгирак қилинг:**

Котибият: 256-52-78  
Хатлар бўлими: 256-85-43

Ўзбекистон Матбуот ва ахборот агентлигида 0116-рақам билан рўйхатга олинган.  
IBM компьютерида терилди ва саҳифаланди. Офсет усулида босилди.  
Бичими А-3.  
Ҳажми 4 босма табоқ.

**Манзилимиз:**

100165, Тошкент шаҳри,  
«Бухоро» кўчаси, 24-уй.  
Нашр кўрсаткичи: 133; 134

Газета ҳафтанинг  
сешанба, пайшанба  
ва шанба кунлари чиқади.

**Сотувда эркин нархда**

Муаллифлар фикри таҳририят нуқтаи назаридан фарқлиниши мумкин.  
Нашримиздан кўчириб босилганда «Ishonch»дан олинганлиги кўрсатилиши шарт.  
Тижорат аҳамиятига молик материаллар (h) белгиси остида чоп этилади.

E-mail: mail@ishonch.uz

## Агросаноат мажмуи ходимлари Касаба уюшмаси Марказий кенгаши

*Ҳаётимиз мазмуни бўлмиш азиз  
аёлларимизни 8 Март — Халқаро  
хотин-қизлар куни билан  
самимий қутлайди.*

*Баҳор гуллари каби гўзал аёлларимизга  
бахт-саодат, оилавий тотувлик,  
битмас-туганмас бойлик ва фарзандлар  
камолини тилаймиз.*

*Омад билан қувонч  
Сизни ҳеч қачон тарк этмасин!*



«Шарк» нашриёт-матбаа акциядорлик компанияси босмахонасида чоп этилди. Корхона манзили: «Буюк Турон» кўчаси, 41-уй.

**Навбатчи котиб:**

**Ж.Шарофбоев**

**Навбатчи:**

**А.Абдуллаев**

**Мусахҳих:**

**С.Шодиева**

**Саҳифаловчи-  
дизайнер:**  
**Ҳ.Абдужалилов**

Босишга топшириш  
вақти - 21.00  
Топширилди - 21.30

Буюртма Г—252

ISSN 2010-5002

1 345

## Мароқли сафар

Яқинда Ўзбекистон бадиий академияси аъзоларининг ҳарбий қисмларга ташрифи уюштирилди. Улар орасида иқтидорли рассом Эркабой Машарипов ҳам бор эди. У Урганч сержантлар мактабида бўлиб, бўлажак ҳарбийлар ҳаёти билан танишди. Тенгдошларига ўқиш ва ҳарбий машқларда ўрناق бўлаётган курсантлар ҳамда ҳарбийларнинг турли ҳолат ва кўринишдаги чизгилари, картина учун эскизлар, умумлашма композицион лавҳаларни қозоғга туширди.

Э.Машарипов ҳар бир асарини ана

шундай изланиш, тайёргарлик билан яратди.

Шунингдек, Р.Ризамуҳаммедов, М.Эргашев каби рассомлар ҳам бир ҳафтalik ижодий сафарда аскарлар ҳаёти билан танишиб, бўлғуси картиналар учун этюд, эскиз, хомаки расмлар ишлаб қайтдилар.

Ватан ҳимоячиларига давлатимиз томонидан кўрсатилаётган эътибор рассомларга илҳом бағишлади.

**Абдували ЭГАМБЕРДИЕВ,**  
санъатшунослик фанлари доктори

Санъат

## Рассом хандаси



Хусан СОДИҚОВ чизган сурат

## Тақдимот

**Муллаўйчи Тошмуҳаммедов номидаги Қашқадарё вилоят мусикали драма театри ижодий жамоаси С.Аксаков асари асосида тайёрланган «Алвон гул» номли эртақ томошасининг тақдимотини ўтказди. Бунгача жамоа болалар ёзувчиси Анвар Обиджон асари асосида саҳналаштирган «Кўнғироқли Алдоқчи» деб номланган эртақ спектакли ҳамда ҳаётини юморга бой «Турмуш хангомалари» деб номланган комедик асарни муҳлисларга ҳавола этганди.**

## «Алвон гул» тақдимоти

Баркамол авлод йили муносабати билан саҳнага қўйилган «Алвон гул» спектакли Ўзбекистон давлат санъат институтининг дипломанти Хусниддин Темировнинг дастлабки дебют ишидир. Ёш режиссёр ушбу асар орқали асил муҳаббат чиройда эмас, қалбда бўлиши, ёвузлик ва ғурбатни муҳаббатгина енга олишини асосий гоё сифатида кўтарган. Асарнинг мазмун-моҳиятини актёрлар О.Маматов, Р.Мустафоева М.Абдурахмонова, З.Давлатова ҳамда Ф.Муродовлар маҳорат билан очиб беришган.

**Бекзод ШЕРҚУЛОВ,**  
Қашқадарё вилоят маданият ва спорт ишлари бошқармаси матбуот котиби

## Мисгарлар

Марғилон шаҳрида қадимдан мисгарлик ривожланган. Хунармандлар ясаган товоқ, кўза, кумғон, обдаста, пиёла, чойнақлар харидоргир бўлган.

Уста мисгар Одилхон ҳожи Турғуновни Марғилонда кўпчилик яхши танийди. Мисгарлар сулоласининг тўртинчи авлоди бўлган отахон хунари билан эл олқишига сазовор бўлган. У ясаган буюмларга талаб катта. Уста ҳозир ҳам ўғли Содирхон билан шаҳар марказидаги дўконда ишлайди. Чунки қадимий мисгарлик буюмларини бирорта уста унингдек асл ҳолига келтириб таъмирлаёлмайди.

**Муҳаммаджон МАҲМУДОВ**



## Маслаҳат

## Соғлом бўлай десангиз, шўрва ичинг

Айтишларича, бу ажойиб шўрвани француз хонимлари қоматини сақлаш учун истеъмол қилган. Кейинчалик артистларнинг кундалик дастурхонидан ўрин олган. Замонавий тиббиётда эса у танани турли хилт ва захарли моддалардан тозалашда энг ишончли дори вазифасини бажармоқда.



**Парҳез шўрва ҳар куни уч маҳал — эрта-лаб, туш пайти ва кеч-қурун истеъмол қилинса, бир ойда қоматни гўзал қилиб, саломатликни мустаҳкамлайди.**

**Шўрва тайёрлаш учун 500 грамм карам, 2 дона булғор қалампир, 4 та пиёз, 2 боғ селдерей, 1 кг помидор ва таъбга кўра туз ва зираворлар керак бўлади.**

**Карам, пиёз, булғор қалампир майдалаб тўғралади. Помидорнинг уруғи олиб ташланиб, қирғичдан ўтказилади. Қайнаб турган тузли сувга барча масаллиқларни солиб, ўн дақиқа қайнатилади. Тайёр бўлган шўрвага тўғралган селдерей ва зираворлар қўшиб истеъмол қилинади.**

## Ўтганларнинг охираати обод бўлсин

Сурхондарё вилоят касабача уюшма ташкилотлари бирлашмаси кенгаши жамоаси бирлашма кенгаши раисининг ўринбосари Қобил Боболовга падари бузруквори **АБДИ БОБОНИНГ** вафоти муносабати билан чуқур таъзия изҳор этади.

## Табиат шифохонаси



**Халқимизда «Балиқ халқумни халол қилади» деган нақл юради. Бу бежиз эмас. Қадим замонлардан буён балиқ парҳез таом сифатида қадрлаб келинади.**

Балиқнинг гўшти, жигари, увилдириги жуда шифобахш. Унда оқсил, А, Д, Е, В<sub>1</sub>, В<sub>2</sub>, С витаминлари бор. Шу билан бирга фосфор, темир, йод, магний, калций, калий, олтингургурт, кобальт сингари маъданлар, тўйинмаган ёғ кислоталари мавжуд. Мол гўштига нисбатан балиқ гўштида кобальт уч баробар кўп.

Балиқларда бириктирувчи тўқима камлиги сабабли оқсилнинг ҳазм бўлиши осонлашади.

Балиқ таркибидаги фосфор мия фаолиятини яхшилайди. Танада кечадиган биокимёвий жараёнлар, жумладан, ДНК ва РНК синтезида, суяк тўқималарининг мустаҳкамланишида муҳим аҳамият касб этади.

Балиқ борасида буюк аллома Абу Али ибн Сино шундай ёзади: «...энг яхшиси балиқни шўрва қилиб қайнатиб ейиш бўлиб, ундан кейинги ўринда товада пиширилгани туради. Тузланган балиқнинг суви чириган яраларга фойда қилади ва уларни ювади. Янгиси эса асабларни бўшаштиради. Балиқ елими аталага солинса, қон туфлашни тўхтатади.

Балиқшўрва ични юмшатади. Тузлаб офтобда қотирилган майда балиқнинг боши орқа пешоб ёрилишига қарши яхши даводир. Наҳанг балиқ,

чи омега-3 ва омега-6 ёғ кислоталари танада ишлаб чиқарилмайди. Агрессия, депрессия, ўз жонига қасд қилишга мойил кишиларда омега-3 та-



сукк, илонбалиқ шахвоний қувватни орттиради...».

Кейинги йилларда балиқ мойининг шифобахшлиги ҳақида бот-бот гапирилмоқда. Кўп дардларга шифо тарикасида тавсия этилаяпти. У холестерин миқдорини камайтиради. Маълумки, томирларнинг деворида холестерин йиғилишига тўсқинлик қилув-

чи омега-3 ва омега-6 ёғ кислоталари танада ишлаб чиқарилмайди. Агрессия, депрессия, ўз жонига қасд қилишга мойил кишиларда омега-3 та-

наф беради. Саратон касалликларининг олдини олишда эм бўлади. Ишемик инсулт ва миокард инфаркти хавфини камайтиради. Бўгин хасталигида яллиғланишга қарши ва оғриқни қолдириш учун тавсия этилади. Гипертонияда ҳар куни таом олдидан икки маҳал истеъмол қилинади. Депрессияда кунига 3 граммдан ейилади. Муолажа 1 ой давомида ўтказилади. Балиқ мойи куйганда ҳам қўлланади. Кўз касалликларида ҳам даво сифатида ишлатилади.

Балиқ мойи фойдали экан деб уни барча хасталиқларга қарши қўллаш тўғри эмас. Айрим хасталиқларда балиқ мойи тавсия этилмайди. Масалан, диарея, холецистит, панкреатит, жигар фаолияти бузилганда, ўпка силида, қалқонсимон без фаолияти сусайишида. Шунингдек, қон таркибида калций ва Д витамини кўп бўлганда, пешоб йўлида тош бўлганда, ўт-тош хасталигида тавсия этилмайди.

Болаларга, гўдақларга балиқ мойини фақат педиатр тавсияси билан қўллаш мумкин. Эслатиб ўтамай, балиқ қовурилганида шифобахшлик хусусияти камаяди.

**Мирзамир МИРЗАШАРИПОВ,**  
доришунос